


嘉慶御覽

卷之九

十月



二十五史歷代甲子統紀攷正  
九疊山莊別莊校印

## 二十五史歷代甲子統紀考正序

本編考正羣史年曆實吾國四千餘年繫年要錄即遠溯史記帝紀始黃帝而迄清季宣統並及於民國開國紀元歷期甲子紀年之長曆也夫史學經緯萬端必須標以甲子而後昭然若揭史事貫串百代必須析以甲子而後釐然不紊故史家自史記迄明紀於歷期干支表歲閏不重之當朱明盛時創刊暨本二十一史於爾時通行之十七史稍有更動迨清乾隆中張廷玉等修明史告成詔與漢司馬遷史記後漢班固漢書宋范曄後漢書晉陳壽三國志唐房玄齡晉書梁沈約宋蕭子顯南齊書唐姚思廉梁書陳書北齊書後魏書唐李百藥北齊書令狐德棻周書魏徵隋書李延壽南史北史宋歐陽修宋祁新唐書歐陽修新五代史元托克托宋史遼史金史明宋濂元史並行又取後晉劉昫舊唐書宋薛居正舊五代史彙爲史部正史二十四種以入四庫近人並取清柯劭忞氏元史共稱爲二十五史亦有建議誦柯書而俟之清史成書者不佞以爲元以薦食國統因合爲大華民族姑予其占正史一部至二十五史



MG  
K20  
74

序數則惟清史足以當之又舛新朝史實例得略附勝國史後本書迄清季而並及國初亦猶此意惟史記一史上溯古初已包括漢書前數千載紀年則勝清一史特署新中國新元實可爲民國億萬斯年預慶也竊嘗綜覽吾國歷來各史年曆稱號紛如蕪絲羌無徑緒不可爬梳以故年數互異迄無確實長曆欲準此以推算古今旁及四裔實以豨膏棘軸蕪運方穿流毒史界伊於胡底正如伯海方氏言猶滿屋散錢尋不得一條索子也近數年來每見時流所輯長曆各書入主出奴習非勝是甚至依據西籍公元倒推吾國從未整理之雜出年曆散錢滿屋毫無貫串愈散愈亂曷勝究詰不更令讀史闕史者將倍蓰墮入五里霧中乎矧他國多輯有長期文獻通史或更餽飭疑年挾以傲人藉炫久遠文明而我國耳食者流妄事鉛槧乃自縮短文化紀程却步求前是何喪心病狂數典忘祖乃爾不佞夙爲此懼爰致力勉成是書俾作史記散錢貫串略示史海探索方鍼生平所耗精力或不減於荆公晚年刪定字說屬稿甫竣友好咸推爲考正歷代甲子要著並屢懇惠付梓即以此意命名初印百部以資就正茲以舛誤累見詳加訂正備刊特定名曰二十五史歷代甲子統紀考正以所考爲二十五史之一

貫年曆所論皆二十五史之重要事實且於民族歷史國家前途關係甚鉅並渾括國家民族兩種至上原理與要性而出之者也若夫本編義例及原稿歷劫情形詳見初稿弁言與跋不贅

大中華民國紀元二十有八年戊建庚辰國慶日江州九疊山人譚侃鐵崖氏識於白下龍村九疊莊別莊之九州即同軒

二十五史歷代甲子統紀考正序

## 二十五史歷代甲子統紀考正弁言

本編義例細閱考案自知茲仍仿竹書統鑑雜述前例而拉雜說明以弁簡端

曩聞法地質學家賴復由氏嘗由礦石之組成及變遷測算地球年齡約有八萬萬年而其已過年數亦在七千五百萬年左右以此考覽吾國大撓甲子及史公譜牒記所見帝軒以降年數不過萬數千分之一其視地球年齡直蠅蚋耳而西國傳記復載有西紀前四千年前開闢天地肇生人物則又何說不佞竊以爲均屬謬悠之談故特折衷衆說推闡確數藉此整理曆紀以爲有史後四千餘年之總結算並以銜接光復建元之新紀元獨惜汲書晚出致遷書無從引證而語焉弗詳今茲創爲是編考正民國前曆甲子遞及近今甲子猶幸有竹書年數足資證明

歷來史表年紀有立元改元建元空元冒元等例自帝軒建國立元以降至嬴秦惠文梁魏惠成與西漢文景始迭次改元更有瑞應建元君喪空元及冒用前王之元不一而足此外尙有

一種雜元即一年屢易新君或同年自易數元凌亂紛呶不可爲訓若不通以長曆證以甲子烏能得所歷歲紀之實在確數至若僭僞諸元不論是否吾族亦悉數附入俾便參稽

我國向用干支表歲其用法如東方文庫新曆法所謂有兩大益處一歐洲天文學家利用吾國天文記錄全由干支得知時代二前此屢有改元若僅言清咸同某年則非記各元之長短不知其年距今幾載今附以干支則其相距立時可見現雖改用國紀然由民元第一壬子至億萬壬子各週期或依黃紀或以民紀推算第幾甲子或壬子均極利便再或仿西例稱黃紀元年至四千三百年爲四十三世紀稱四千三百零一年至四千四百年爲四十四世紀並遞推至無窮歲紀亦無不可

往閱亭林遺書論古人不以甲子名歲如史記曆書闕逢攝提格及資治通鑑周紀一起著雍攝提格盡玄默困敦云云竊嘗疑之以名闕逢困敦與名以六甲幹枝其實並無纖微差異且史公十二諸侯年表固明明書甲子不書闕逢困敦也司馬通鑑雖上續麟經然其所著稽古錄上推威烈丁丑以前亦不云疆圉赤奮若可見古人任意表歲初無容心也惟皇極經世及

帝王世紀通鑑外紀等書均附會班志書帝堯元年爲甲辰而經世復於年代干支下間據一二吉凶事以資捏證視柴氏丙丁龜鑑尤爲迷妄又查本編第一甲子案稱人元甲辰覽者或疑爲與經世堯元甲辰同類不知彼爲術數幻想此則數學推論況本編推日不過案語中附帶敘及與古有明徵之表歲甲子向不相同雖經世統於一元似有前知不知邵氏一元係統十二會三百六十運四千三百二十世十二萬九千六百年而言究與蒙元何涉耶其他謬點散見於本編各案不贅

在昔史例於君主初基每大書即位或僅書立用示予奪微意現既變更國體且合全國在昔同源各族爲一大民族可毋庸拘牽舊例故本編於大禹後除少數書在位或書立外無論即時改元或遲年改元概從元年書起以便起算

近人文史論著動輒書紀元一千九百餘年或逕稱公元或僅書公字於義無取而文亦欠妥以視日籍每自書其神武紀元二千五百餘年能無動於中乎惟吾國既無此項紀年則忘祖亦不足怪而是編之作愈不能已



竊考帝軒作調曆顛帶作曆象遞及帝堯置閏定時以降歲曆與天行間有謬誤泰西上古諸曆亦然當西紀前四十五年羅馬凱撒以該國古曆與太陽運行不符爰改作優留士曆其法定一年爲三百六十五日六小時亦與每一回歸年前春分至次春分之時數微異迨西紀千五百八十二年實我黃紀三千九百七十九年頃羅馬法王格勒力十三世再改正曆法其曆日始與太陽之運行一致是爲純粹陽曆同年意大利西班牙葡萄牙三國首先採用之厥後法德瑞英美各國亦漸次仿用近今世界各國除希臘教國行優曆及我國民間習慣尙有少數沿用舊曆外皆行格勒革力新陽曆或稱世界標準新曆蓋此曆推算極精閱四千年僅差一日本編以新法推算前曆日數即本乎此

或謂甲紀爲封建遺制似關於此項紀載均可廢棄不知歷史有繼續性並有進化性故語進當推所由進語續應知不可斷矧君民原係人類代名符號吾國古帝曾有神民次民等稱若謂此類字樣即涉及封建則凡稱民之民字豈亦可廢棄耶今更舉大學院古物保管委員會張主席繼駁某中央委員提議廢除北平故宮博物院一案藉闡此理此案駁議精語極多茲

撮要略舉數點一凡研究以前歷史全爲學術供應而非實行彼時現象二現歐洲各國爲供歷史參考對於前此皇政王政時代歷史物品莫不搜羅保存並謂蘇俄在共產主義下亦知保護舊物藉供研究其他要點從略觀此可知任何國家即不自惜文物亦應如該項駁議所稱爲世界惜之

是編略仿甲子會紀及歷代甲子考例分六十年爲一週當本週前兩週之辛亥秋長髮軍建太平天國前一週之辛亥冬革命軍建中華民國雖同以國家名義建元視滿清以前君主建元涵義較廣然一稱天一稱民一涉神權迷信一開民治宏模其用意又惝然不同

頃見某太史具一僅二十餘字小簡其所書年曆支辰已謬誤迭出某學士親喪訃帖復將其亡親屬辰錯書可見幹枝小道亦須稍爲留意

不佞創爲是編久歷寒暑然以校務紛冗或不免訛漏海內博雅君子教正爲幸

大中華民國十有七年秋月九疊山人識

卷五 史 歷代甲子統紀考正 辨言

二十五史歷代甲子統紀考正 卷上

黃紀第一甲子 起帝軒紀元元年盡六十年




(南)

世界建國最古之民族首長公孫帝軒。於本週經羣后奉戴率民衆在中國本部肇建固定統一國家。始紀元元年甲子。帝軒即帝位。初駐涿鹿。至是都有熊。嗣又方制天下。得百里之國萬區。封建制度由此確定。自帝創立大中華帝國制定甲子。至大中華民國紀元初載壬子。其間王霸升降。遞進爲平民政治。計閱四千三百零九年。

考正帝軒開國御宇。實始於本週初載。帝姓公孫名軒轅。或云號軒轅一號帝軒。以國於有熊長於姬水。故又姓姬而別稱有熊氏。通稱黃帝。其紀元迄今。本編均簡稱黃紀某年數。在位自第一甲子至來週癸卯凡百年。

愚案世界史家。必以地理與紀年定空間及時間之位置。建國歷時愈久。愈足表示往古文明。故寰球各國多用長曆紀年。如基督紀元。至本國光復第一甲子歲。爲



R4385

一千九百二十四年當首屈一指外。若猶太則以開闢紀元。佛曆以佛入涅槃紀元。回曆以教祖出奔行道紀元。亦各寓有深意。次則日本之於神武。朝鮮之於箕子。暹羅之於斐雅克勒。並爲民間通用。他如希臘以紀奧林庇亞大祭。在西紀前七百七十六年。羅馬以紀始建王國。在西紀前七百五十三年。巴比倫以紀拿坡納撒稱王。並始築都城。在西紀前七百四十七年。雖其間事迹間涉茫昧。與上列各國髣髴。亦莫不筆之於史。藉作符號。以炫其文明。而吾國於此獨付闕如。詎非數典之憾。即有學者載筆及此。又多誤於康節經世。甚至多方附會。竊所未解。茲據竹書紀年大戴記史記及其他史書。逐一考證吾國有史以來甲子。彙爲中國歷代甲子考正一編。實則一種中華民族進化週期要覽。即託始於帝軒。以帝爲吾國肇國立法制定甲子及創置史官使造文字之元祖。又民族初祖也。顧帝軒元年。世史作癸亥。通鑑外紀佛祖通載作丁亥。依通載帝三十八年始命大撓作甲子。並經風后審定。而薛氏應旂甲子會紀。齊氏召南歷代帝王年表。則又以甲子爲帝之八年。

他書千支不一。就中以四裔編年表及四裔制作權輿。據竹書定帝擘八年甲戌爲最精確。其以甲子爲帝之元年。則惟黃太冲歷代甲子考一書。爾時大撓正厥納音。風后釋以致用。徵論肇端何歲。理應自署初元。黃氏所云。想已見及。厥後黃氏本騏歷代統系錄張氏潢歐亞紀元合表皆宗之。或謂康節經世已推定帝堯元年甲辰。其詳與太古年歲則又備載通鑑前編及外紀。歷來鑑史罔不依此紀年。不知康節所持元會運世諸說。全憑臆造。其分日月星辰爲陰陽四象。亦乖常理。旣與天文推算不合。復於歷史事實無徵。矧其以天地終始爲一元十二萬九千六百年。以較班書自三統上元至伐桀之歲十四萬一千四百八十歲運爲誕妄。至取出震乘龍意義列帝堯元載爲甲辰。其卦值隨。並繫以已會第三十運之二百二十一年。而於前此六萬四千六百六十年前事。則舉而歸之一元前半混沌中甯有是理。有宋司馬程朱諸公未及詳察。毋惑乎襲謬沿訛以至於今也。或又謂唐人多斥汲冢紀年。梁書未載竹書沈注。甚或紀事乖舛。亦似未能徵信。不知據史記集解山海經注隋律歷志

北堂書鈔及雷氏學淇紀年起自黃帝考之案語。則紀年真確並起自帝軒已無疑義。篇中間有舛謬。原出汲冢瑣語。沈注有無。無關緊要。彼武庫杜氏既未奉命校書。其所見或非全文抑爲未考定之本。三墳補逸譏其失實。洵爲確論。況此書證以經史。參之歷法。並無不合。清初圃臣徐氏著曆學原理及考古定法與推驗長曆諸書。且據爲藍本。皆其確據。倘更徵之雷氏學淇考訂竹書紀年全本徐氏艾靖竹書紀年統箋暨平津館刊洪氏竹書。尤較然易明。論者不察。每據帝王世紀經世或其他依附經世之史類而抹煞竹書。抑已過矣。或又謂歲紀甲寅日紀甲子。今起子歲適以滋疑。余惟元必始甲。不始壬癸。並應起子歲世史帝軒元歲起癸亥日曆史會及日人坂本健一所編世界年表。謂帝即位在壬申。固無徵不信。而年代欠確之歷代甲子考與近似竹書之三代紀年考及李氏申耆依據竹書所成一種紀元補編。亦未盡可從。至日紀之說。據月令章句。大撓始作甲乙以名日謂之幹。夏以前專以此紀日。即書稱辛壬癸甲與左傳稱天有十日是也。其幹甲下依逆推法適合辰字。或

即取冬日出辰之義。而配以辰枝並定爲人元歟。抑愚之取證竹書。在昔固有先我言之者。清初劉處士繼莊。嘗謂朱子綱目非其親筆。故多迂闊不切。復謂生平最愛竹書紀年。有絕人之識。春秋而外別爲一家。久思取竹書以後迄於有明勸成一書以備遺忘。其云孟子終赧王二十六年。當去齊時不云數過八百而云七百有餘歲。則八百乃後人誤增周曆一周無疑。又謂商湯之後外丙二年仲壬四年。孟子亦有明文。而紀商者失之。觀此可知處士不信經世。而經世之誕妄猶不止此。愚故取竹書闡經世。而逐一考證以期傳播文明。其甲子則自北世第一甲子歲迄現今七十二甲子末載。視金華金氏初級本國歷史載帝軒建國在民國前四千五百餘年鄂漢聲報書精季癸卯爲黃紀四千三百九十四年日人箭內小川藤岡三氏桑原隲藏氏於明治末所撰兩種東洋史稱帝軒即位在今四千二百年前及近人以辛亥光復爲帝軒紀元四千六百零九年等類。似較確鑿。即修通史閱史或互勘世界大事年曆。亦較利便。若猶執宋儒經世及後世妄詆竹書諸說謂爲不信。則請於秦火後周易外持較羣經



可乎。烏庠。帝軒開國開化。活國活民。遺育繁衍。保世滋大。子姓分長各地。歲久亦同趨繁榮。故我族及同源各族。所有治者與被治者各級遺裔。迄今追念。帝德帝力。無論是否其子孫。而皆奉爲共祖。吾人恒持團結四百五十餘兆同胞之說本此。獨於當日紀元起始與竹書曆合之中元長歷。反愬然忘之。何弗思之甚也。又案甲紀起源。具如上述。茲再詳推。以資證明。考之曆家治曆。必以曆元起算。而其立術。則不外積年與截算兩途。積年者何。謂遠溯古初冬至以求七曜齊元也。截算者何。謂不用積年虛率而一以實測爲憑也。漢太初以來諸曆所用積年。史載多有逕庭。誠有如江慎修氏所謂七政齊同其年甚遠。雖精曆算亦有不能推者。而星命者流妄以每周甲終癸亥年冬值甲子即四甲子日當之。其謬甚矣。鄙意帝軒始作調曆用寅正。一說行子建以至日爲元且。其曆元雖未審是否以積年起算。然必造端冬至則其理與截算爲元亦通。故古來曆法七十餘家及元授時曆明崇禎曆之曆元並起冬至。皆其明證。今自帝軒元年甲子前歲天正冬至。或依陽曆將元

年提前數句起算。迄民國十二年癸亥天正冬至。都四千三百二十年。計日合閏凡一百五十七萬七千八百四十七日有奇。實得二萬六千二百九十七甲子又二十七日零。按照世界標準新曆與北平觀象臺所製曆書。算定地球繞日一周需三百六十五又二四二二日。歷時約三百六十五日五小時四十八分四十七秒。細算得三百六十五日又二萬零九百二十七秒餘。或作三百六十五日五小時四十九分又有作四十八分四十六秒之上二秒及下二三秒運算。均不甚確。準新曆四百年日積以求此項實數。法以三六五乘四百加九七日。與地球繞日四百次之歲實日數。約差百分之十二日。即一萬零三百六十八秒。再以四百除之。得二五秒又秒之九二。即每年僅有二六秒弱之不足差數。又依此數推算四千三百二十年之最長期間。共得差數十一萬一千九百七十四秒約一日又七小時餘。即四千餘年之通共差數。茲據前述元甲辰定運算起例。由民國癸亥中冬庚午卯初天正冬至。上溯帝軒紀日託始之天正冬至甲辰。除減去二萬六千二百九十七甲子整足日數及餘數二十六日外。尙欠

一日有奇。殆即上述之通共差數。試再證以近例。如滿清喜慶丙辰子建甲子冬至。迄光緒丙申子建戊申冬至。道光辛巳子建乙亥冬至。迄民國辛酉子建己未冬至。又如道光甲申子建辛卯冬至。迄民國第一甲子初載子建乙亥冬至。此各百年間計日合閏均得三萬六千五百日又二十四日零。即作二十五日。減去六百零八甲子日數。餘四十五日。是即上述甲子至戊申乙亥至己未及辛卯至乙亥等日也。由是可推知七十三甲子以前冬至。並可推知帝軒元年之確爲甲子矣。猶憶清咸同間烏程汪月楨氏費三十年精力。就二十四史所載各種曆法逐加推算成歷代長術輯要一書。其月日合否猶各居其半。今欲推算四千餘年曆日。求之古諺與太乙術得前九年頭二月中今歲元旦日與同及以八十年爲一竟數其至日干支復合等法。祇能短期巧合。即依鄙見另定逐年約增舊曆五日五小時三刻爲各天正冬至之通差。亦恐歷久不符。無已以新曆曆法所求得之歲實及差數通算之。得數如上。其即子輿氏衆故之旨歟。若夫逐年甲子歷程。則仍參照竹書經史逐一詳著於篇。

黃紀第二甲子 起帝軒六十一年盡顯帝十九年

本週帝顯頊高陽氏嗣位。居濮。自帝祖戰勝阪泉涿鹿。戢兵耀德。經羣后奉戴即位。定國都有熊後。至是徙濮新都。

考正顯帝姬姓。帝軒孫。號高陽氏在位自乙巳至來週壬戌，凡七十八年。

愚案西紀千八百九十四年。拉克伯里氏著支那古代文明西元論。謂吾國帝軒即古巴比倫之尼科黃特王。長於底格利士河即姬水或作涿鹿。爾時王率巴克民族東徙。自土耳其斯坦經喀什噶爾沿塔里木河直趨崑崙山脈東方而入宅於中原。巴克譯作百姓。其前有莎爾根是爲神農。有惠保頊是爲包犧。並附會但頊與休美爾丁提額丹挺等王即倉頊循蜚因提禪通諸氏。不知循蜚因提禪通。爲春秋元命苞所分天地開闢至獲麟十紀中之第七至第九三紀。循蜚二十二氏有號無世。因提十三氏有號有世。禪通歷一十九氏。皆屬太古神話。而謬以爲三氏。合之莎爾根惠保頊及但頊等無稽名稱。尤堪嗔噉。其他捏附怪妄尤難更僕。日人戶水寬人以毫無根據

曾力斥其非。然該國平田篤胤岡本監輔兩氏所著毫無根據之三五本國考及祖志書內。又附會神怪寓言謬謂吾國三皇五帝皆由彼土西來。甚至謂吾漢文亦爲彼所固宥。抑何虛誕乃爾。且該國人義著弓張月小說及義經再興記等書。復妄指死囚源氏爲朝義等等脫逃入琉球蒙古卒爲開基祖。是皆一種策略作用之謬論。宜與拉氏同一羌無故實也。吾國古籍如遁甲開山圖山海經穆天子傳及靈均楚辭平子思立等篇。皆於帝軒峴崙寄其遐思。例以瑤池下母神話並無少異。而亭林顧氏乃以此地屬之真臘。即今安南之柬埔寨。鑿矣。考之帝軒生於軒轅之邱國於有熊。俱今河南新鄭地。其誅蚩尤於涿鹿。係今河北涿鹿縣南山名。與巴比倫及底格利士河。固遙遙相去數萬里也。至若中華名稱。乃就宅中馭外及有文化取義。初無花國峴崙迹象。衡以近世各民族尊重本族之心理正復相同。雖羲農自六朝前歷代建都多在黃河上中流域。得證明古代循西北河流遞遷。然固不可以禹貢之西北崑崙安相比附。况爾雅記河流。僅泛言河出崑崙墟。山經海內東西經西山經及海外南經大

荒西經。又皆載有崑崙。究應以何處爲昔日之花國崑崙乎。拉氏又謂華文羲卦似巴比倫楔形文字。而近人且謂此種文字出於埃及。今考埃及象形之神聖花文字及僧侶民間文字。除繪日月形外。與華文篆隸行草結體無一相同。即楔形與八卦。其字體亦絕不相似。又安得強言華巴文字同源。並謬指尼科黃特王之爲帝軒耶。惟帝創國垂統。凡當時臣民與疏遠族屬之苗裔。僉以非帝不克建國保家繁育至今。故現代族類中。雖有若干人數非其血胤。亦罔不奉以爲祖。此殆與寓居交趾馬人街之伏波部下子孫。追念先世從征立基。因以馬爲氏事同意。帝御宇百年。後崩葬橋山。在今陝西中部。以視神州極西之崑崙及距此崑崙尙遠之底格利士。皆猶風馬牛也。新都濮即帝邱。今河北舊開州有濮陽故城。

又案淮南子言昔共工與顓頊爭爲帝。怒觸不周之山。此共工與少昊金天氏皆當時諸侯之伯。故其自以爲有水德亦與金天金德等耳。曩觀各種竹書。均無少昊之年。蕪州陳本竹書。並闕其名。餘如鬻子史記一則曰顓頊十五而佐黃帝二十而有天

下。一則曰黃帝崩而昌意之子高陽立。不誠然哉。

黃紀第三甲子 起顓帝二十年盡帝陟翌年。

本週全係顓帝御宇時期。

考正顓帝繼帝軒在位。所歷幹枝見前。而清高宗御定萬年書與張氏潢三元甲子編年表。以最初上元甲子起帝軒六十一年中元甲子起顓帝五十七年均誤。然此更足證明起首第一甲子歲次之爲黃帝紀元年。

愚案帝軒始作調曆。世本亦謂容成作曆蓋算日月行道所歷並計氣朔早晚之數也。顓帝嗣立。復作曆象。創始於乙卯後二年。而秦則誤以乙卯爲帝造曆之曆元。是時五星會於天曆營室。其立法洵爲後世曆宗。迨帝堯定曆爲三百有六旬有六日。此又揭明陽曆歲實整數於羅馬觀撤定歷之二千年前矣。雖然吾國年用回歸週期與陽曆同。月用朔望週期又與陰曆同。固一種巧不可階之陰陽曆。即歷來所行之舊曆也。不審乎此而猥隨庸俗稱爲陰曆。是自儕於回曆耳。或謂近見坊間所售各種

陰陽合璧曆書。似可稱爲陰陽合曆。不知此由原舊曆與純粹新陽曆對照而成。仍應以新舊對照曆名之。

又案本編專論歷代甲子曆數。帶敘史地種族法制及與甲子有關聯之重要或特別事項。並注重國家民族至上原理立論。餘如考覽吾國與世界各國前今世紀之歲紀年數。則已略載於後附拙著中西世紀簡表中。

黃紀第四甲子 起帝嚳元年。盡六十年。

本週全係帝嚳御宇時期甲子初載即位，居亳。

考正帝嚳姬姓名姁。帝軒曾孫。號高辛氏。在位自甲子至來週丙寅。凡六十三  
年。

愚案嚳居亳都。在今河南偃師。崩葬頓邱。在今河北清豐。而海內北經載崑崙山  
北有帝嚳台與帝堯台帝丹朱台帝舜台。究指何地耶。竊嘗遍考經傳。並無丹朱稱  
帝之事。海內崑崙。王肅謂在臨羌西或作酒泉南山。即禹貢崑崙。吾國古代帝嚳



堯舜諸帝。亦未聞確至此間。然則海內北經云云。豈果如郭景純注尙別有所謂海外崑崙乎。或曰山經志怪原不足憑。宜如淳注漢書謂禹紀山經放蕩迂闊不可信也。

又案明末游子六謂崇禎癸未上距帝嚳甲子四千零二十年。審是則自帝軒元年甲子至光復辛亥。止四千四百六十八年。而當時有謂四千六百零九年者。以向無確實長曆故耳。

黃紀第五甲子 起帝嚳。六十一年。盡唐帝堯四十八年。

本週初歷帝嚳帝摯二君。後爲唐帝堯臨御時期。

考正本週紀年。首帝嚳。年數見前。次帝摯。帝嚳子。在位自丁卯至乙亥。凡九十年。次唐帝軒。摯弟姬姓。或作姓伊祁號陶唐氏。在位自丙子至來週乙卯。凡一百一十年。

愚案四裔制作權輿。託始於帝摯八年甲戌。在西紀前二千一百四十七年。即年曆

名著四裔編年表所推帝摯年數及帝堯以後至滿清同治間年數亦同。此二書卷首古代年曆。想均係根據竹書。外有高第丕氏古國鑑略。除論巴比倫失字似羲卦與古代不以甲子紀歲時絕無根據外。所紀並同竹書。即此愈見竹書之真確矣。又隋書律歷志云紀年堯元年景子。路史引景作丙。視經世虛造之堯元載甲辰判若霄壤。而況自帝軒迄帝摯前之歲星。均可按照竹書推算。並依此可確定帝軒開國元年之爲甲子耶。

又案康節經世一書。似出易緯稽覽圖。竊嘗比較審觀。得其近似之點如下。查稽覽圖爲漢代孟喜京房之學所自出。內分坎震離兌四正卦爲四象。每歲十二月。每月五卦。卦六日七分。如子建值未濟蹇頤中孚復五卦。丑建值屯謙睽升臨五卦。寅建值小過蒙益漸泰五卦及其後月建所值各卦。其法係以卦主六日又日之七十分之七分。每月五卦主三十日。加餘數七乘五得三十五即半日。故下文云每期三百六十六日。後人依託鄭注改原文六日當作五日又四分日之一微誤。又查康節經世

分離乾坎坤四正卦主閏。正卦二十四爻分值十二會。再以復卦起冬至子半。每五卦配一月二氣。仍由復起左旋歷六十卦爲期。此外尚有元會運世迭相爲經之各種繁複算法。似均不及原稽覽圖之精覈。該圖並載復一十三二十五。至坤十二二十四三十六等數。已具周而復始消息。合之六子震三十七巽三十八坎三十九離四十四艮四十一兌四十二等數。加倍得八十四。尤見法天法地之七純德妙用。矧經世編中以元經會等圖所列日甲一月子一星甲一乙二辰子一十三二十五三十七及亥十二二十四三十六四十八等數。亦未始非從該圖脫胎。當時明道程氏謂其得加一倍法信然。至其納帝堯元載前六萬四千六百六十年於幻想之一元前半混沌中。與緯書稽覽圖稱甲寅伏羲氏至無懷氏迄秦共數六萬四千一百三年之說暗合。所不同者。兩書各異其起訖之數耳。考之織緯爲秦漢間一種占驗術數之書。晁氏讀書志陳氏書錄解題曾力詆其僞。自晉宋梁懸爲厲禁。迄隋焚禁後其書殆絕。通志通考雖並載其目。惟易緯以稍近理得存。宋後久佚。康節經世之作。殆即依仿此圖而摹乳變

化以神其術數。乃後之人徒震其名。習非勝是。甚至據經世而抹煞經史。遂使吾國史籍多變爲一種經世史書。悲夫。

黃紀第六甲子 起唐帝堯四十九年。盡虞帝舜五年。

本週甲寅以後爲唐虞遜嬪時期。而其機緘則在帝堯七十年使四岳錫虞舜命。

考正本週紀年。首帝堯。年數見前。次虞帝舜。姚姓瞽叟子號有虞氏。在位自己未至來週戊申。凡五十年。

愚按尙書中候有曰。天地開闢。甲子冬至。日月若懸璧。五星若編珠。此即七政齊同也。帝堯乙酉錫虞舜命。是年日月若合璧。五星如聯珠。是又七政齊同也。爾時明揚側陋。天下爲公。至德感召。瑞應立見。雖帝者之上儀。亦共和之先導。斯其所以盛於唐虞之際乎。後之僞指讓假共和。烏足以語此。

又案五帝之稱不一。茲據大戴記史記及竹書次序。並依竹書所列逾年或逾二年暨滿足三年以上改元算法。而細推有能迄有虞以及其後甲紀。詳見拙著中西世紀簡

表。其間年代與干支。固若合符節。則其事實。自真確無疑。不然斷無如是之巧合也。此種扣算理由。觀吳氏錫麒訂正歷代史案駁亭林日知錄稱虞夏以前皆三年改元一則。更爲瞭然。他如三皇之說。應以雙湖胡氏史纂引秦博士言爲定。蓋秦去古未遠。古代經籍亦未聞有稱伏羲神農燧人或女媧諸氏爲皇者。則秦博士天皇地皇人皇云云。或庶幾焉。

黃紀第七甲子 起虞帝舜八年盡夏帝啓元年。

本週歷帝舜及夏大禹帝啓二君。

考正本週紀年。首帝舜。年數見前。次夏帝禹。姒姓繇子號夏后氏。在位自壬子至己未。凡八年。次帝啓。禹子。禹以次尙書皆稱王。茲從竹書及其他古史以帝名之。啓癸亥立至來週庚辰。凡十八年。

愚案書堯元年。竹書作丙子。經世作甲辰。經世虛誕無徵。已如前述。又據紀年統箋書堯崩於乙卯。舜避朱南河。三年喪畢。不遽即位。越歲己未。始行即位典

禮。按之孟子然後之中國踐天子位語意。亦極脗合。舜立五十年陟。三年喪畢。壬子帝禹元年即位居冀。卽世紀書堯都平陽舜都蒲坂禹都安邑相去不盈二百里皆在冀州竹書總曰居冀是也。此與神州極西所謂花國之海外崑崙。有何影響乎。竊嘗綜覽輿圖並參閱西陲要略。因悉天山葱嶺及穆蘇爾冰嶺等處。蒙古語呼作崑崙都崙。急呼則爲崑崙。含有最高或高橫兩意。漢時天子案圖名河所出山爲崑崙。殆有取於此項譯名耶。查天山以南葱嶺以東一帶地域。內有羅卜諾爾卽鹽澤一名洛普池。所匯西域各地葱嶺兩河及南北山積雪融化之水。滄淪渟滯伏流地中。直至星宿海上巴顏喀喇山北之噶達素齊老峯下始見。是爲黃河重源。距星宿海約三百里。與古稱河出崑崙之墟微合。覈其地域亦復廣漠無垠。故清高宗謂葱嶺爲崑崙。吳任臣注大荒西經復以須彌或作喜馬拉雅爲崑崙近人又目花國崑崙卽帕米爾高原。是皆星宿海西之海外崑崙。且泰半爲河源發源地也。又考康熙年間。侍衛拉錫等自星宿海探河源還。雖仍踵元人之失。然觀其奏對詳明。實與考證史地學科

有關。該氏奏稱星宿海之源有小泉萬億。不可勝數。周圍羣山蒙古名庫爾滾。亦即崑崙。羣山中南有古爾班吐爾哈。西有巴爾布哈。北有阿克塔因七奇等山。其下諸泉流出三支河。東流入扎陵澤。又自扎陵分流入星宿海東鄂陵澤。復自此澤流出東下。即黃河也。此外並有小河極多。盡入黃河東下云云。是又星宿海周圍之崑崙。亦足證明崑崙之非一處也。然於吾國古代帝軒至大禹諸帝之巡幸事跡。則皆渺不相涉矣。禹崩雖已荇益於天有年。而三年喪畢天下歸啓。洵所謂天與賢則賢天與子則子也。家天下云乎哉。

又案曩者五帝殊時。不相沿襲。三王異世。不相襲禮。故立權度量考文章改正朔殊徽號別異車服器械。而竹書紀年所紀則皆用夏正。一說夏正並非始於本週禹時。其理由宋魏了翁正朔考論之最詳。篇中改正朔不改月次數語。尤爲精確。後人於此或未能瞭解。以惑於劉歆三統曆之說耳。方今民國紀元。改用陽曆已久。歲時伏臘。猶重夏時。此亦改正朔仍用舊時月次之類。又周禮天官鄭注正月周正

歲夏正之兩正並用法也。惟世界早行新曆。而吾國猶執舊時。揆之孔子大同教旨與現在趨勢亦多牴牾。無已其速參照歐美所行天文學上之節序而以春分夏至秋分冬至爲春夏秋冬之第一日乎。邇來國民政府厲行陽曆。或欲更將全年五十二週劃爲十三等分。餘日及閏。均作假日。似此破除宜忌。永利推行。他日環球各國。或將漸次採用。誠良法也。

黃紀第八甲子 起帝啓二年盡帝相二十六年

本週歷帝啓及帝太康仲康帝相三君。

考正本週紀年。首帝啓。年數見前。次帝太康。啓子，起癸未至丙戌。凡四年。次帝仲康。大康弟。起己丑至乙未。凡七年。次帝相。仲康子。起戊戌至來週乙丑。被寒逆所弑。凡二十八年。

愚案帝太康被距陟後。弟仲康及其子相皆逆羿擁立。並挾之與居。斯真曠古巨姦之作俑者哉。無何死於賊臣寒浞。亦可見天道矣。



又案前週禹薦益於天有年。而近頃新史學者往往於討論古史率多異說。甚至噫禹及夔龍諸人爲蜥蜴罔兩。而焉得有薦益更焉得有傳啓。曩聞有非堯舜而薄湯武者。此更非聖無法至擬於物。並以堯舜係理想名稱而抹殺之。獨不思吾國伊古以來象物命名甚夥。烏得因取於物而即疑爲物並疑及堯舜耶。惟此種超出經傳之解釋。實導源於康有爲氏所創孔子託古改制之謬說。迹其肆意妄言。不但視孔教之倫理道德政治哲學與老莊託上古許行託神農墨翟託夏禹相等。甚至欲夷孔子於諸子以遂其私。淺者不察。稱其以託古創教推尊尼山。詎知彼原爲自身張目。初何嘗有絲毫推尊實心。何以言之。彼以爲羣經由孔子手定。故咸推爲集羣聖之大成。今諸子及彼視爲諸子中之一之孔子。均經其論定。亦冀推爲集諸子之大成。觀於彼之自字伯尼自稱長素。即可知其隱情。悲夫。彼昔欲奪政權。既不惜圍攻其君之母。欲爲教主。又不惜捏毀羣奉之師。不知仲尼日月也。不可踰也。彼欲駕而上之。多見其不知量耳。

黃紀第九甲子 起帝柑二十七年盡少康十八年

本週有夏無王凡四十年。餘爲帝相及帝少康御宇時期。

考正本週紀年。首帝相。年數見前。次帝少康。相子。丙午復國嗣位。至來周丙寅。凡二十一年。其無王時期。即黃紀四百八十三至五百二十二年。

愚案本週甲子之第二年。逆泥使其子澆。弑帝相。時后緡方娠。逃歸有仍。翌年生少康。至丙午帝少康元年。已歷四十稔矣。後之史官秉筆。每泥於年經事緯成例。無論夷虜盜賊竊據尊位。即大書其年並奉以尊稱。以謂非此則事實無所附麗也。若然則無王之例與長曆之年。史家顧可忽乎哉。

又案相斫成史。優勝爲王。夏初賊臣羿泥於唐虞揖遜後。忽開篡竊惡例。使微少康則史家且以寒繼夏紀年矣。方今改建共和國體。此項爭王研史。不妨與薊豳生子齊觀。惟歷史係述古今進化徵象。斷不能因現行平民政治而抹殺前代一切事實也。特惜相後人民無平民政治思想。遂令寒逆得長期竊踞耳。

黃紀第十甲子 起少康十九年盡帝芬三十六年

本週歷少康及帝杼帝芬二君。

考正本週紀年。首少康。年數見前次帝杼。少康子。起己巳至乙酉。凡十七年。  
次帝芬杼子。起戊子至來週辛未。凡四十四年

愚案帝芬他書多作槐。惟世本與竹書同作芬。世本係古史類唯一傳信資料。而况爲劫灰外之竹書。

黃紀第十一甲子 起帝芬三十七年盡帝芒五十二年

本週什九爲帝芒享國時期。

考正本週紀年。首帝芬。年數見前。次帝芒。芬子。起壬申至來週己巳。凡五十八年。

愚案帝芒元年。竹書未載歲次。茲依紀年統箋按語書之。

黃紀第十二甲子 起帝芒五十三年盡帝不降二十五年

本週歷帝芒泄帝不降三君。

考正本週紀年。首帝芒。年數見前。次帝泄芒子。起辛未至乙未。凡二十五年。

次帝不降泄子。起己亥至來週丁酉。凡五十九年。

愚案本週己巳帝芒陟。統箋書子泄逾二年辛未即位改元。此君與其先君元歲。必須如此扣算。否則前後幹枝均不符合。

黃紀第十三甲子 起帝不降二十六年盡帝厘五年

本週歷帝不降及帝扁帝厘二君

考正本週紀年。首帝不降。年數見前。次帝扁。不降弟。戊戌因內禪嗣立至乙卯。凡十八年。次帝厘。扁子。起己未至來週丙寅。凡八年。

愚案本週丁酉。帝不降遜位於弟帝扁。此爲三代內禪之始。扁立十有八年。統箋疑十八爲二十。又謂千支當景戊午。均誤。

黃紀第十四甲子 起帝厘六年盡殷商成湯即位之年

本週歷帝厘帝孔甲帝昊帝后敬帝癸諸君。而終於癸亡之翌年殷商成湯受命。

考正本週紀年。首帝厘。年數見前。次帝孔甲。不降子。起己巳至丁丑。凡九年。次帝昊一作舉。孔甲子。起庚辰至壬午。凡三年。次帝后敬一作發。昊子。起乙酉至辛卯。凡七年。次履癸一名桀。后敬子。起壬辰至壬戌亡。凡三十一年。愚案經世夏起禹丁巳。止桀甲午。凡四百五十八年。若據竹書。則僅四百三十一年。此兩數應以後說爲定。然竹書沈注與裴駟史記集解引舊本紀年又均作四百七十一年。以增入無王之數耳。

黃紀第十五甲子 起成湯十九祀即二年盡小甲七年

本週歷帝成湯及帝外丙仲壬太甲沃丁太庚小甲共七君。湯定鼎後仍居亳。

考正本週紀年。首殷商成湯子姓名履。契十三世孫。主癸之子。伐夏救民。在位自前週癸亥至本週甲戌。凡十二年。次帝外丙名勝。湯太子太丁弟。起乙亥至丙子。凡二年。次帝仲壬名庸。亦太丁弟。起丁丑至庚辰。凡四年。次帝太甲名至

湯孫。起辛巳至壬辰。凡十二年。次帝沃丁名絢。太甲子。起癸巳至辛亥。凡十九年。次帝太庚名辨。沃丁弟。起壬子至丙辰。凡五年。次帝小甲名高。太庚子。起丁巳至來週癸酉。凡十七年。

愚案古者大人世及以爲禮。謂父子傳世與兄弟傳及也。古代重傳世。商人兼重傳及。據竹書載湯崩太丁早世。爰立其弟外丙遞及仲壬。仲古通中。遷史作中極是。否則斷無書仲於後之理。厥後趙注孟子及小蘇古史亦同。況孟子原文太丁未立之立字語氣。似順勢貫下兩句。不然湯崩壽已百歲。何以知其髫年尙產二子也。乃宋儒惑於經世及書傳謬說。伊川並釋以古人謂歲爲年。獨不思書無逸篇屢書殷商諸君享國若干年之年字當作何解乎。嗚乎不信經史而信所不當信。迂闊孰甚。又案唐志大衍曆推太甲二年壬午歲冬至。日躔應在女六度。今觀竹書書太甲元年辛巳即位居亳。則二年確爲壬午。而非經世暨經世史類書作己酉之毫無根據可比也。

黃紀第十六甲子 起小甲八年盡太戊三十八年

本週歷帝小甲雍己太戊三君。

考正本週紀年。首帝小甲。年數見前。次帝雍己名佃。小甲弟。起甲戌至乙酉。凡十二年。次帝太戊名密。雍己弟。起丙戌至來週庚子。凡七十五年。

愚案殷本紀帝雍己立殷道衰。諸侯或不至。弟太戊立。伊陟爲相。殷道復興。諸侯歸之。觀於本週太戊二十六年。西戎始來賓。合後之重譯而至者共七十六國。則諸侯之歸可知矣。

黃紀第十七甲子 起太戊三十九年盡河亶甲四年

本週歷帝太戊及仲丁外壬河亶甲三君

考正本週紀年。首帝太戊。年數見前。次帝仲丁名莊太戊子。起辛丑至己酉。凡九年。次帝外壬名發。仲丁弟。起庚戌至己未。凡十年。次帝河亶甲名整。外壬弟。起庚申至來週戊辰。凡九年。

愚案中宗太戊爲殷商中興賢君。在位七十五年。與書無逸篇享國之年合。竹書注作太宗。或謂太宗即殷王太甲。抑宗者尊也。謂世尊其德也。

黃紀第十八甲子 起河亶甲五年盡陽甲二年

本週歷帝河亶甲及祖乙祖辛沃甲祖丁南庚陽甲共七君。

考正本週紀年。首帝河亶甲。年數見前。次帝祖乙名滕河。亶甲子。起己巳至丁亥。凡十九年。次帝祖辛名且。祖乙子。起戊子至辛丑。凡十四年。次帝沃甲名踰。祖辛弟。起壬寅至丙午。凡五年。次帝祖丁名新。沃甲兄祖辛之子。起丁未至乙卯。凡九年。次帝南庚名更。沃甲子。起丙辰至辛酉。凡六年。次帝陽甲名和。祖丁子。起壬戌至來週乙丑。凡四年。

愚案本週祖乙之世。商道復興。其時彝器有祖乙卣。蓋器銘各四字悉同。

黃紀第十九甲子 起陽甲三年盡武丁十七年

本週歷帝陽甲盤庚小辛小乙武丁五君。而盤庚復遷殷。



考正本週紀年。首帝陽甲。年數見前。次帝盤庚名旬。陽甲弟。起丙寅至癸巳。凡二十八年。次帝小辛名頌。盤庚弟。起甲午至丙申。凡三年。次帝小乙名欽。小辛弟。起丁酉至丙午。凡十年。次帝武丁名昭。小乙子。起丁未至來週乙巳。凡五十九年。

愚案竹書夏后帝芒三十三年。商侯子亥遷於殷。又數傳至湯。殷商成湯之稱以此。湯後子孫由南亳遷囂遷相遷耿庇及奄。迄盤庚又遷至北亳之殷。故書言天其永我命於茲新邑也。彼以盤庚遷殷爲殷商之始。則大誤矣。

又案古代新君即位。據各種紀年暨其他史書。無論逾年或逾數年改元。而其嗣位多在先君柩前。觀周康王入翼室而爲恤宗。臨應門以朝諸侯。即其例證。竊嘗考之史記殷本紀稱小乙崩。子武丁即位。思復興殷。而未得其佐。三年不言。政事決於冢宰。以觀國風。此時冢宰。即竹書所稱丁未元年王命之啣士甘盤。居憂三年。即商書所載三祀免喪而其元祀必在初喪柩前即位之翌年。日知錄亦謂殷鍊而

祔即位。在期年後。周卒。哭而祔。必踰年始即位。足與上說相爲發明。並可證明嗣位後。逾年或數年。改元均與喪期久暫無關。彼後之惑於書序。謬論以湯崩。踰月爲大甲元年。暨一般喪心短喪者。詎得藉口諒陰廢事。以自文哉。

黃紀第二十甲子 起武丁十八年盡祖甲七年

本週歷帝武丁及祖庚祖甲二君

考正本週紀年。首帝武丁。年數見前。次帝祖庚名曜。武丁子。起丙午至丙辰。凡十一年。次帝祖甲名載。祖庚弟。起丁巳至來週己丑。凡三十三年。

愚案武丁五十九年陟。與書無逸篇肆高宗之享國五十有九年合。王享壽百歲。故石經亦謂其享國百年也。

黃紀第二十一甲子 起祖甲八年盡武乙二十二年

本週歷帝祖甲。憑辛庚丁武乙四君。武乙三年自北亳遷河北。尋遷沫。一稱妹邦。或作朝歌。

考正本週紀年。首帝祖甲。年數見前。次帝憑辛名先。祖甲子。起庚寅至癸巳。凡四年。次帝庚丁名囂。憑辛弟。起甲午至辛丑。凡八年。次帝武乙名瞿。庚丁子。起壬寅至來週丙子。凡三十五年。

愚案本週武乙元年壬寅。古公亶父由邠遷於岐周。尋被命爲周公。賜以岐邑。統箋謂是年西伯昌生。與孟子文王生於岐周之說脗合。惟查伯卒於受之己卯歲。似其生當在武乙之翌年耳。

黃紀第二十二甲子 起武乙二十三年盡帝辛二十五年

本週歷帝武乙文丁帝乙帝辛四君。而文丁仍遷殷。

考正本週紀年。首帝武。乙年數見。前次帝文丁名托。武乙子。起丁丑至己丑。凡十三年。次帝乙名羨。文丁子。起庚寅至戊戌。凡九年。次帝辛名受。帝乙子。起己亥至來週庚寅亡。凡五十二年。

愚案武乙漢書作帝乙。文丁史記作太丁。均非。

黃紀第二十三甲子 起帝辛二十六年盡周成王二十七年

本週歷帝辛及周之武成二王。武王克商後。即定都鎬京。

考正本週紀年。首帝辛。年數見前。次周武王姬姓名發。文王次子。后稷遠孫。伐罪克商。在位自辛卯至丙申。凡六年。次成王名誦。武王子。起丁酉至來週癸酉。凡三十七年。

愚案商起成湯癸亥。終受庚寅。用歲五百零八年。而史記集解引紀年注謂湯滅夏以至於受二十九王。用歲四百九十六年微誤。至經世作六百四十四年。調更無根據矣。矧雷本考訂竹書紀年並引新唐書曆志於受末年庚寅下分注周武王十一年。尤足見竹書之能徵信也。

又案周人以諱事神。故於先王先公及大臣等有追尊與易名之典。若文若武成。其周及周以降誅行立號之權與歟。

黃紀第二十四甲子 起成王二十八年盡穆王五年

本週歷成康昭穆四王。

考正本週紀年。首成王。年數見前。次康王名釗。成王子。起甲戌至己亥。凡一十六年。次昭王名瑕康王子。起庚子至戊午。凡十九年。次穆王名滿。昭王子。起己未至來週癸丑。凡五十五年。

愚案周既克商。遂通道於九夷八蠻。迨東都大會諸侯。史臣爲作王會篇。國運極盛。曾幾何時。而王子瑕立周室漸衰。

又案釋迦佛降誕於周昭王甲寅歲。依紀年推算在今二千八百九十有四年前。而前此甲子年即民國第一甲子歲出版之佛學書報。每作二千九百五十一年。此亦劉處士繼莊所謂後人誤增周曆一周之一證也。

黃紀第二十五甲子 起穆王六年盡共王十年

本週歷穆共二王。

考正本週紀年。首穆王。年數見前。次共王名瓘扈穆。王子起。甲寅至來週乙丑

。凡十二年。

愚案紀年穆王十七年西征崑崙。見西王母。是年西王母來朝。其事并見列子及山經穆傳。本難盡信。惟崑崙稱高原地。穆王當日西巡所至。案照圖籍似指甘西酒泉南山。至所朝見之王母。或即西戎一國。如統箋所稱三姐女真八百媳婦等類亦未可知。而後世乃以女仙瑤臺等神話附會之。抑何誕妄不經乃爾。

又案山經郭注所言海外復有崑崙。雖係泛指海外高山。而一覽吾國邊陲地勢。則惟神州極西高出世界各地之帕米爾高原足以當之。當地殼凝結洪水橫溢時。此原實爲世界人類肇生地點。或謂人類從猩猩人猿漸次進化。顧亦無何種實證。惟吾族古代由此地東徙。後進化速率有突飛宇內之勢。談世界古代文明者輒豔稱之。斯真文明初胎而歷久愈見光耀也。邇來歐美各國大學多注重吾國先秦以前文化。美國卜道博士生平復以宣傳中國文化爲己任。並謂各國民族必須交換文化始能使全世界歸於大同。卜氏精研漢學。或能略窺孔子之大同教旨云。

黃紀第二十六甲子 起共王十一年盡厲王十六年

本週歷共懿孝及夷厲共五王。

考正本週紀年。首共王年數。見前。次懿王名囂。共王子。起丙寅至庚寅。凡二十五年。次孝王名辟方。共王弟。起辛卯至己亥。凡九年。次夷王名燮。懿王子。起庚子至丁未。凡八年。次厲王名胡。夷王子。戊申立己未奔彘至來週癸酉。凡二十六年。

愚案厲王不道。歛怨於民。激成革命。及敗亡後。國人圍王宮執召穆公之子殺之。蓋是時王太子靖匿公所。賴公子以身代獲免。不然。小雅六月。安知不即夷爲匪風下泉耶。

又案本週共和前甲紀。帝王世紀以次諸書所載互異。茲特引萬載李氏榮陞根據竹書所撰共和以前年曆真僞考一篇。以資廣證。氏之言曰。史記於周年惟表共和以降。其前則闕焉。而諸家所載年歷若三統以下皆不同。孰爲近。曰其紀年乎人以

爲其書晚出。晉人僞爲之。吾考之而知其真也。曷明之。周本紀宣王以前雖無年。魯諸公世家具之。自考迄惠積二百七十六年。加魯公伯禽四十六年受封前武王代殷七年。共三百二十九年。去其末平王之世四十八年得二百八十一年。此魯諸公在西周時享國之數列於史記者。考紀年西周始武王十一年庚寅伐殷。終幽王十一年庚午。其數適相合。夫朽蠹之書。人所不省。並魯世家亦忽之。故雖以專門推歷如近代梅勿庵猶迷於漢志。不得其說。予細推二書乃無異。蓋均得其真。雖久翳而不能掩者也。假令僞者爲之。則年表已闕。孰知魯世家若絕若續其脈猶存。而吾之所紀適叶之乎。國語載武王伐紂師發時歲月辰星之所在。以歷之最密者授時徧推諸家年積皆不合。惟依紀年所次庚寅歲戌月推之。則師發之癸巳與五位合符。而歲差亦歸其度。假令僞者爲之。則晉時曆法猶疎不可以上考。豈能逆知九百歲後有郭守敬者立法能上考二千年而預注庚寅歲爲武王十一年以待之乎或曰漢人造太初三統時。紀年等書尙在。不知收何耶。曰三代之曆法中絕久矣。始



皇一天下術士草創爲之。而日法概用四分大強與真年相悖。故疑而不敢用。求其合已法者必增至七十二年乃可通。則其置真而用僞者迫於己術之拘不得不然。而非不知年之有真也。自漢以來授時曆稱最密。依其法以上考必真年乃合真算。凡秦漢人所加之虛年氣朔皆差遠。彼不自咎其術之拘而增年以相就亦奚以逃於後世哉。三統既用魯曆增各公之年。而附會家復增周年。西周十二王。昭增三十二爲五十一。孝增六爲十五。夷增八爲十六。厲增二十五爲五十一。夫昭穆與厲宣。皆父子也。自古無父子長嫡相繼而享國並踰五十年者。文舒而武稍促。厥勢自然。穆踰五而宣亦望五矣。可並增其父之年爲五十一乎。以紂之不德五十年而喪天下。况厲王稱尤虐。據國語僅三年而流於莩。紀年亦僅得十三年是時太子靖已長。共和攝國數年而還政。何至如諸家所說虛位三十七年之久乎。又孝夷皆無聞於後故利以虛年分寄之。餘六王如文武成康穆宣。年曆昭著而不勝邪說之出。且營滅焉。武王十九年則滅九年以附冒元之說。成王三十七年則滅七年以成周公居攝之說。

年曆一定。而所減者聖明所增者昏暴。顛倒以役於。疑悞天下後世爲莽丕倡端。苟非紀年得其真。將何憑而正之哉。三統以求合武王伐紂之五位虛增七十二年。而其於商也又求合太甲元年之乙丑虛增一百九十二年。於夏也承而進猶多二年。至唐虞之世。禮堯典僅得在位一語遽減去三十載。蓋爲曆術所役。而所附事實不足推尋矣。三統以外六曆。今皆不傳。而殷曆比三統少百七十一歲。以考周初亦有所增。晉皇甫謐爲帝王世紀不知本何曆比三統退六年。後世編年書皆用之。不知其特消息於曆術而無足據也。漢書藝文志諸曆皆入術數。惟太古以來紀年二編入春秋。漢世競僞術故眞書反不重。其後遂散亡。至晉世乃別得之汲冢中。將天所以存三代之年也。故曰紀年其近乎。世之覽者將謂何如。

黃紀第二十七甲子 起厲王十七年盡幽王四年

本週歷厲宣幽諸王。而厲王出奔後。由共伯和攝行天子事。或謂周召二相行政號曰共和。故史遷所著十二諸侯年表特首書之。

考正本週紀年。首厲王。年數見前。次宣王名靖。厲王子。起甲戌至己未。凡四十六年。次幽王名涅。宣王子。起庚申至來週庚午被申人及犬戎所弑。凡十一年。

愚案厲王見放。繼以共和行政。史公年表上欄遂特書共和元年庚申。屬民國紀元前二千七百五十二年即西紀前八百四十一年。後越三百三十三年羅馬又遂其主蘇泊爾布士改建共和。此固天爲泰東西於二千年前特開兩種遙遙相對之奇局也。至吾國曩年有此項共和紀元。據日人棚橋一小川銀次兩氏萬國大年表在西紀前七百二十餘年。龜井忠一氏最新世界年表則作前七百三十餘年清宮秀堅氏新撰年表又作前八百五十餘年。皆非確數。良由本國向無按年排纂之真實長曆以餉海內外闕者。故考正甲紀愈不容緩耳。

又案孔子懷想大同之天下爲公。孟子謂民爲貴社稷次之君爲輕。可見孔孟早具民主政治偉抱。並不拘拘於服事亂世暗君之小節也。脫令當日遂厲王後得人類模

範如孔孟者提挈國人建設真正共和。則民主邦治可立觀矣。邇際中外雜處。車書漸同。但使講信修睦。禁攻寢兵。實行春秋所見世之治法。俾世界各民族一律平等。並以促進天下遠近大小若一之大同景運。詎不懿歟。

黃紀第二十八甲子 起幽王五年盡桓王二年

本週歷幽王及平王桓王。而平王時周轍遂東定都洛邑。是爲東周。前此爲西周。爾後竹書始紀晉事。王即位皆不書。

考正本週紀年。首幽王。年數見前。次平王名宜臼。幽王子。起辛未至辛酉。凡五十一年。次桓王名林。平王孫。起壬戌至來週甲申。凡二十三年。

愚案本週自平王四十九年入春秋後。天子守府。舉凡盟會聘享及征伐一切大事。均在十二國諸侯。而齊桓晉文秦穆宋襄楚莊等五霸迭主盟焉。十二國者。即魯齊晉秦楚宋衛陳蔡曹鄭燕也。外有句吳以春秋之季始通上國。故不入此數。又案竹書書周幽王六年冬十月辛卯朔日食。經梁虞胤隋張胄元推合是年日食歲紀悉同。

· 頃閱胡本中國哲學史大綱復載有梁虞胤隋張胄元唐傅仁均僧一行元郭守敬及清閻若璩阮元等推算詩十月辛卯日食均在是年。即西洋學者亦推定西紀前七七六年中國北部可見日蝕。此皆竹書信而有徵之實證。惟共和庚申以前甲子。史家多泥於經世謬說。故紀年紀歲言人人殊。不有竹書。何所取證耶。

黃紀第二十九甲子 起桓王三年盡惠王十九年

本週歷桓莊釐惠四王。

考正本週紀年。首桓王。年數見前。次莊王名佗桓王子。起乙酉至己亥。凡十五年。次釐王名胡齊。莊王子。起庚子至甲辰。凡五年。次惠王名闔。釐王子。起乙巳至來週己巳。凡二十五年。

愚案本週釐王元年庚子春。齊桓公會諸侯於北杏以平宋亂。嗚乎王風之作。止於前王。釐王之立齊桓之霸。均在本年。其即王降霸升之幾絨乎。不謂陵夷至今。又降之又降矣。內訌不息。法紀蕩然。哀我人斯。如此亂者何。

黃紀第三十甲子 起惠王二十年盡定王九年

本週歷惠襄頃匡定五王。

考正本週紀年。首惠王。年數見前。次襄王名鄭。惠王子。起庚午至壬寅。凡三十三年。次頃王名壬臣。襄王子。起癸卯至戊申。凡六年。次匡王名班。頃王子。起己酉至甲寅。凡六年。次定王名瑜。匡王弟。起乙卯至來週乙亥。凡廿一年。愚案本週襄王十六年乙酉。即晉文公元年。後九年卒。卒前數年曾召襄王狩於河陽。視齊桓公不忘咫尺天威。其賢不肖爲何如耶。乃桓王十六年楚已僭王。簡王元年吳復僭王。此又晉文之罪人。宜春秋皆夷之也。

黃紀第三十一甲子 起定王十年盡景王七年

本週歷定簡靈景四王。

考正本週紀年。首定王。年數見前。次簡王名夷。定王子。起丙子至己丑。凡十四年。次靈王名泄心。簡王子。起庚寅至丙辰。凡二十七年。次景王名貴。靈王

子。起丁巳至來週己卯崩。又經王室禍亂二載。故竹書作二十五年。

愚案本週庚戌歲至聖孔生。距今二千四百七十九年。

又案本週後十六載景王己卯。孔子適周問禮於道教初祖老子。時孔子年三十許。

度老子較孔子年十年或二十年以長耳。史記考證稱漢武惑於神仙方士並宗老子。

故司馬遷作老子傳著其鄉里詳考其子孫以明老子亦人。非即乘雲氣御飛龍不可方

物者。雖其卒年不能確定。然已一再特稱爲修道養壽之隱君子。莊子養生主篇亦

明載聃死及秦佚號弔並衆人哀哭情形。視漢末道其所道之張道陵輩侷乎遠矣。或

引葛稚川言老子無世不出。其在黃帝時號廣成子。在周爲柱下史時。育成子。在

漢初號黃石公。至文帝時又號河上公并授帝以老子章句。此種神言荒唐謬悠之說

。曷足稱信史焉。

黃紀第三十二甲子 起景王八年盡敬王四十二年

本週歷景敬二王

考正本週紀年。首景王。年數見前。次敬王名匄。景王子。起壬午至來週乙丑。凡四十四年。

愚案敬王十四年。漢不見於天，其時即黃紀千八百九十二年頃。此理可於春秋莊王十年夏四月辛卯夜恒星不見夜中星隕如雨與西紀千七百九十九年十一月十二日美洲亦有流星蔽天徹夜不息各異象徵之。蓋流星既多。恒星失光。人目遂無所見。天漢之隱，亦猶是耳。

又案春秋託始於平王己未。絕筆於敬王庚申。都二百四十二年次後即入戰國時期。七雄紛爭。迄無寧日。七雄者。咸陽秦王襄郢楚王營邱齊王幽州燕昭王穎川韓王邯鄲趙王大梁梁惠王是也。

黃紀第三十三甲子 起敬王四十三年盡威烈王八年

本週歷敬元貞定考及威烈共五王。

考正本週紀年。首敬王。年數見前。次元王名仁。敬王子。起丙寅至壬申。凡七



年。次貞定王名介。元王子。起癸酉至庚子。凡二十八年。次考王名嵬。貞定少子。起辛丑至乙卯。凡十五年。次威烈王名午。考王子。起丙辰至來週己卯。凡二十四年。

愚案自平王東遷。以豐鎬爲西周，維維邑爲東周。此與戰國時以維維邑之河南王城爲西周，鞏附成周爲東周大異。查春秋末考王封弟桓公揭於河南。俾續周公舊職。數傳至惠公。以原地立長子武公爲西周公。復封少子班於鞏。仍續其號稱東周公。此東西二周各爲列國。領地即戰國後地域。王王赧微弱。遂分主政理。

黃紀第三十四甲子 起威烈王九年盡顯王十一年

本週歷威烈及安烈顯諸王。而威烈王戊寅歲。即司馬君實通鑑託始之年。

考正本週紀年。首威烈王年數見前。次安王名驕。威烈子。起庚辰至乙巳。凡二十六年。次烈王名喜。安王子。起丙午至壬子。凡七年。次顯王名扁。烈王弟。起癸丑至來週庚子。凡四十八年。

愚案秦並天下。自魏趙韓三家分晉始。三家分晉。又自趙韓魏之亡智伯始。司馬公通鑑起於威烈二十三年王命魏趙韓三家爲諸侯以示不敢上續麟經。然事實與左氏傳終智氏滅亡事。固遙遙暗接也。

黃紀第三十五甲子 起顯王十二年盡赧王十七年

本週歷顯與慎靚赧三君。赧王一作隱王。

考正本週紀年。首顯王。年數見前。次慎靚王名定。顯王子。起辛丑至丙午凡六年。次赧王名延。慎靚王子。起丁未至來週乙巳周亡。凡五十九年。

愚案亭林日知錄稱據紀年周慎靚王之二年魏惠成王卒。其明年爲魏襄王元年。又二年燕王噲讓國於其相子之。又二年齊人伐燕取之。又三王燕人畔。而孟子之書先梁後齊其事皆合。通鑑亦同。觀此則紀年所稱魏之今王即襄王而非如史記誤書之哀王亦明矣。

又案孟子一書。漢司馬子長趙邠卿及應邵等均以爲孟子自著。及宋設科。又與論

語並列於經。則是先秦以降早奉爲金科玉律。詎得以孟氏門人敍定其書間稱時人謚號。而遽疑及本書耶。胡氏中國哲學史復稱此書大概爲真。其識見洵高出乎宋後之疑孟子者哉。

黃紀第三十六甲子 起赧王十八年盡秦始皇九年

本週歷赧王東周君迄於秦之莊襄王及始皇。秦都咸陽。

考正本週紀年。首赧王。年數見前。次東周君即東周公。與西周公均係河南桓公後。爾時王室積弱不振。王赧由成周遷王城。依西周公以居。自召諸侯討秦無功。離王城入秦謝罪。經虎狼秦受降貶爵。罪及河南。於是西周君武公子文公被遷於憚狐聚而河南亡。蕞爾東周。是時尙擁虛名。領地猶存數邑。暴秦爲絕人望。未幾復逞逆鋒。於是東周君又被遷於陽人聚而鞏亡。即周全亡。此君始丙午至壬子。凡七年。次秦莊襄王嬴姓。名楚。孝文王柱子。自壬子滅周至甲寅。凡三年。次始皇名政。楚子。自乙卯至來週辛卯。凡三十七年。以十月爲歲首。其在帝

位僅庚辰後十二年。

愚案紀年周起武王辛卯。迄赧王壬戌。又閱五十年至東周君壬子。用歲八百零二年。而經世於此竟增至一甲子有奇。視劉說後人誤增周曆一周尤過矣。考之孟子於赧王元年去齊。時周建國已閱七百三十七年。後五十八年周亡。又七年全亡。果如經世所云。豈孟子尙不知本朝享祚之年乎。又清上元金澂撰孟子考略。其書本任氏翼聖約旨以竹書爲經。而定孟子生於烈王四年己酉四月二日。距孔子生一百八十年。孟氏譜作貞定王三十七年己酉大誤。一貞定王二十八年。二貞定有己亥無己酉。若依己亥推算。則孟子至赧王壬申卒年。壽當百五十四歲。決無是理。據此可知信經世信孟氏譜。又不如信竹書也。

又案班書律曆志稱三統上元至伐桀之歲十四萬一千四百八十歲。至伐紂之歲十四萬二千一百九歲。又云夏后氏繼世四百三十二歲。殷世繼嗣六百二十九歲。班氏說原於史公律曆書。而史公書並未具三代年數。細玩該志語氣。似據方士謬談。

雖李注文選引不韋呂氏有周家八百六十七年之說。或係後人竄入即使此說果出自無行奸猾。曾謂孟子之言反不足信乎。至康節經世書所載夏起禹丁巳止桀甲午計四百五十八年。商自湯乙未止紂戊寅計六百四十四年。周始武王己卯終東周君壬子計八百七十三年云云。類皆緣飾緯書或略仿帝王世紀。率意造作。即如姬周一朝。觀竹書已增多七十餘年。餘可類推。

二十五史歷代甲子統紀考正 卷下

九疊山人謹纂

黃紀第三十七甲子 起秦始皇十年盡漢文帝二年

本週歷秦始皇二世子嬰及漢高祖與惠文二帝。另有呂后稱制數年。漢都長安。

考正本週紀年。首秦始皇。年數見前。次二世名胡亥。始皇少子。起壬辰至甲午。爲趙高所弑。凡三年。次子嬰即三世。起甲午僅立四十六日降漢秦亡。次漢高祖姓劉名邦沛人。以布衣起兵誅無道秦。起乙未至丙午。共十二年。在帝位凡八年。次惠帝名盈。高祖子。起丁未至癸丑。凡七年。次文帝名恒。高祖中子。初封於代。諸呂既滅。大臣迎立。自前元壬戌至來週丁丑又自後元戊寅至甲申。共二十三年。

愚案中國自昔有三大界限。黃河以界南北。長城以界華夷。而暴秦則天留此三十五年間統以界古今也。暴英韋爾斯稱十九世紀以前。中國二千餘年之歷史未嘗有

極大之變故。有之其惟暴秦乎。

又案高惠崩後。呂后自甲寅起稱制八年。史家以事無所屬。特分注其年以爲變例敘事之經。而日人所纂世界史表。輒削呂而書少帝恭及弘。可見公是非無古今中外一也。倘使當時史家早以黃紀長曆紀之。則分注呂年或削之均可。

黃紀第三十八甲子 起漢文帝三年盡武帝元狩五年

本週歷文景武三君。而武帝始於國號外別立年號。

考正本週紀年。首文帝。年數見前。次景帝名啓。文帝子。起乙酉前元至辛卯。又自壬辰中元至丁酉。歷戊戌後元至庚子。共十六年。次武帝名徹。景帝中子。始創年號。並復夏時。起辛丑至來週甲午。在位改元十一。建元元光元朔元狩元鼎元封各六。太初天漢太始征和各四。後元二。共五十四年。

愚案自古一君一元。示與天下更始。而文帝父子惑於方士邪說。一再改之。至武帝復繼之以建號。是果何所取義乎。竊嘗稽之武帝即位以來。大率六年一改元。

且冠以一二等數。迨五元之三年。因納有司奏改美名。爰追改一元爲建元二元爲元光三元爲元朔四元爲元狩。次年六月得寶鼎。改五元爲元鼎而以是年爲元鼎四年。以誌天瑞。故通鑑考異謂元鼎年號亦係追改也。知此則帝軒甲子。無論作於何年度。亦無不逐漸自追紀其即位以還之年數矣元鼎以後。尙有數號此例雖創自帝然。用以別僭僞便記載。故史家咸重之。

又案武帝太初元年歲在丁丑。而史記載武帝改元詔書尙有年名焉逢攝提格月名畢聚日得甲子夜半朔且冬至等語。或謂班志載此項詔書無此二十一字。疑係衍文。或謂僧一行日度議以當時日月五緯復得上元本星度。故命曰焉逢攝提格之歲而實非甲寅。似較近理。夫非甲寅而既可命之矣。又何疑於初定甲子者之元年必命以甲子耶。

黃紀第三十九甲子 起漢武帝元狩六年盡宣帝神爵四年

本週歷武昭宣三君。



考正本週紀年。首武帝。年數見前。次昭帝名弗陵。武帝少子。起乙未至丁未。凡三改元。始元七元鳳六元平。一實十三年。次宣帝名詢。初名病己。史皇孫子武帝戾太子之孫。因昌邑被廢獲立。起戊申至來週壬申。凡七改元。本始地節。康神爵五鳳甘露各四。黃龍一。共二十五年。

愚案武帝雄才大略。威震殊方。漢之爲漢至是始顯聲名並施及蠻貊矣。而辛丑建元九爲中外古今唯一之創例。李氏紀元甲子表託始於建元元年。其以此夫。

黃紀第四十甲子 起漢宣帝五鳳元年盡平帝元始三年

本週歷宣元成哀平五君。

考正本週紀年。首宣帝。年數見前。次元帝名爽。宣帝子。起癸酉至戊子。凡四改元。初元永光建昭各五。竟甯一。共十六年。次成帝名騫。元帝子。起己丑至甲寅。凡七改元。建始河平陽朔鴻嘉永始元延各四。綏和二。共二十六年。次哀帝名欣。元帝庶孫定陶恭王康子。起乙卯至庚申。凡二改元。建平四元壽二。共

六年。次平帝名衍。元帝庶孫中山孝王興子。起辛酉年甫九歲政出王氏。至來週乙丑爲莽所弑。改元元始。凡五年。

愚案本週哀帝建平丁巳三載。基督教祖耶穌降生。歐美各國漸次用其生年作紀事之年經符號。惜已誤遲五年。今且循是不變。以習用既久未易改正耳。

又案佛及耶回諸祖。爲世界三大宗教家。佛入涅槃迄漢明丁卯佛經東來之歲。相傳已閱千零一十六年。而近人又謂自佛入寂至今實止二千八百零五載。覈其差數。更足證明周曆誤增一周餘矣。至回祖穆罕默德以行年五十四即耶紀六百二十二年出奔行道。其教徒僉以是年紀元。此輩與佛耶徒衆及諸奉教國各尊其教祖。固亦情理之所宜然。而況帝軒爲吾族肇國立法孕育文明並創制甲子初祖。其功德崇隆又豈諸教教祖所可比擬乎。

黃紀第四十一甲子 起漢平帝元始四年盡東漢明帝永平六年

本週歷平帝孺子嬰淮陽王暨東漢光武孝明兩帝孺子廢後。新莽竊國僭號。至光武帝

復國徙都洛陽時。天下始定。

考正本週紀年。首平帝。年數見前。次孺子嬰。宣帝五世孫廣戚侯勳子。丙寅爲  
莽所立。僅二歲。至戊辰被篡。凡二改元。居攝二初始一。共三年。次淮陽王即更始  
帝名玄。景帝七世孫。癸未由新市王匡平林陳牧廖湛等迎立。至乙酉赤眉樊崇等以  
劉盆子稱帝入長安。遂出奔。改元更始。凡三年。次東漢光武帝名秀字文叔。高  
祖九世孫。壬午起兵興復漢室。越四年即位。起乙酉至丁巳。凡二改元。建武三  
十一中元二。共三十三年。次明帝名莊。光武第四子。起戊午至來週乙亥改元永  
平。凡十八年。

愚案漢室當絕續之交。淮陽王由新市平林諸豪擁立踐位。綱目曾書以漢帝俾承漢  
祀。雖狃於家天下及封建之積習。亦所以誅莽也。

附案新莽自己已僭號。凡三改年始建國五天鳳六地皇四。而亭林引荀悅漢紀記莽  
事。則自始建國元年以後。僅云其二年其三年以至其十五年。以別於正統而盡沒

其天鳳地皇之號。俾天下後世知巨姦竊國亦徒勞耳。猶憶莽柄政時。舉朝附遊并授意吏民稱頌其功德。其抗節不屈者不過梅福逢萌諸人。於戲是可與夷齊爭烈矣。

黃紀第四十二甲子 起東漢明帝永平七年盡安帝延光二年

本週歷明章和殤安五君。

考正本週紀年。首明帝。年數見前。次章帝名炘。明帝子。起丙子至戊子。凡三改元。建初九元和四章和二。實十三年。次和帝名肇。章帝子起己丑至乙巳。凡二改元。永元十七元興一實十七年。次殤帝名隆。和帝少子起丙午時在襁褓。鄧太后臨朝。改元延平。僅一年。次安帝名祐。章帝孫。爲鄧氏所立。猶多年臨朝。起丁未至來週乙丑。凡五改元。永初元初各七。永寧建光各二。延光四。實十九年。

愚案本週章帝元和乙酉。始行四分曆。蓋因太初曆施行百餘年。曆稍後天故也。其時治曆爲編訴諸人。細按行度亦密於太初。

附案漢末及東漢初載。羣雄割據。最著者如公孫述據成都稱成帝。光武建武元年建號龍興凡十二年。隗囂據隴四稱朔寧王。更始元年建號漢復。凡十二年。赤眉樊崇立劉盆子爲帝。建武元年建號建世。凡二年。此外如黎邱秦豐稱楚黎王。張步據東萊稱齊王。以及淮南李憲據潁川梁王劉永據睢陽王郎詐稱成帝子據邯鄲西平王盧芳詐稱成帝曾孫據安定。皆先後竊號自娛與公孫等并稱爲當時九僭國。另有海西王董憲燕王彭寵。則等諸自創以下。至秦漢間諸僭國。因無年號從略。

黃紀第四十三甲子 起漢安帝延光三年盡靈帝光和六年

本週歷安順沖質及桓靈諸君。

考正本週紀年，首安帝。年數見前。次順帝名保。安帝子。初廢爲濟陰王。及閭后所立北鄉侯懿僅數月薨逝後。爲中常侍孫程等擁立起丙寅至甲申。凡五改元。永建七陽嘉四永和六漢安三建康一。實十九年。次沖帝名炳。乙酉幼沖時立。改元永嘉僅一年。次質帝名續。章帝五世孫渤海王鴻子。丙戌爲梁后所立。政出梁

龔。改元本初。尋被弑。僅一年。次桓帝名志。章帝曾孫蠡吾侯翼子。亦係梁太后所立。起丁亥至丁未。凡七改元。建和三和平一元。嘉三永興三永壽四延熹十永康一實二十一年。次靈帝名宏。章帝五世孫解濟亭侯熹子。係竇太后所立。起戊申至來遷己巳。凡四改元。建甯五熹平光和各七中平六。實二十二年。

愚案堯遭洪水。天下分絕。因使禹平水土別九州。即紀年所紀帝舜三十三年遂復九州是也。世紀稱是時九州之地。凡二千四百三十萬八千二十四頃。定藝者九百一十萬八千廿頃。茫茫禹域。詎止此數。降逮本週漢安帝時。墾田僅六百九十四萬二千八百餘頃。順帝時又減至六百八十九萬六千二百餘頃。爾時天下無夫變亂。墾田似不應銳減至是。又查遜清雍正二年。總計天下土田六百八十三萬七千九百餘頃。乾隆三十一年增至七百四十一萬四千四百九十五頃。有奇。按之歷代增減率亦頗相近。惟傳聞光緒丁亥年間調查田畝。總計已增至八億六千六百餘頃。較漢季及清初均超過數十倍。竊意此殆估計數目。非俟實行清丈。決難知其確數也。

黃紀第四十四甲子 起東漢靈帝中平元年 後漢後主延熙六年

本週歷東漢靈獻及後漢昭烈後主共四君。後漢一作蜀漢。都益州。

考正本週紀年。首靈帝。年數見前。次獻帝名協。靈帝中子。因董卓廢靈帝太子少帝辯爲宏農王後迎立。起庚午至庚子。被曹操子丕廢爲山陽公漢亡。凡四改元。初平四興平二建安二十五延康一未改元前一年。曾續稱中平年號。實三十一年。次後漢昭烈帝名備。漢景帝子中山靖王勝後。起辛丑至癸卯。改元章武。凡三年。次後主名禪昭烈子。起癸卯五月至來週癸未降魏受封安樂公。蜀漢亡。凡四改元。建興十五延熙二十景耀六炎興一。實四十一年。

憲案中平六年四月。靈帝升遐。皇子辯立。是爲少帝。曾建光熹昭甯等號共數月。時何進謀召董卓誅闞。卓入廢少帝爲宏農王。改立獻帝。厥後昭烈聞曹丕篡立。爰正大位以紹漢統。雖兩世僅有益州巴蜀漢中等地。傳國止四十三年。然修史。祇論是非不論國祚修短。故漢家正統仍賴以存焉。

附案魏主文帝曹丕。嗣其父操柄政。於漢建安二十五年篡立。改元黃初。起庚子凡七年。都鄴後遷洛陽。次丕子明帝叡立。起丁未。改元三。太和七青龍五景初三次叡養子齊王芳立。起庚申。改元二。正始十嘉平六。次操曾孫高貴鄉公髦立。起甲戌。改元二。正元三甘露五。次髦從弟元帝奂立。起庚辰。改元二。景元五咸熙二。以上五主自庚子至乙酉共四十六年。據有北中原地。又吳主大帝孫權。初以漢衰繼其父堅兄策據江東。後漢章武二年稱帝抗魏。都武昌後徙建業。起壬寅。改元六。黃武八黃龍三嘉禾七赤烏十四太元二神鳳一次權子廢帝亮立。起壬申。改元三。建興二五鳳太平各三。次亮弟景帝休立。起戊寅。改元永安歷七年。次權孫後主禪立。起甲申。改元八。元興甘露各二寶鼎四建衡鳳皇各三天册天璽各一天紀四。以上四主自壬寅至庚子共五十九年。據有荆揚二州及交州地。此外遼東公孫淵。於後漢建興十五年妄稱紹漢。僅一年亡。抑一遼東豕類也。

黃紀第四十五甲子 起後漢後主延熙七年盡晉惠帝太安二年



本週歷後漢後主迄晉武帝惠帝武帝定都洛陽

考正本週紀年。後主年數見前。次晉武帝姓司馬氏名炎懿孫。河內溫縣人。以曹魏咸熙二年篡魏。未幾平吳統一天下。起乙酉至庚戌。凡四改元。秦始皇十歲甯六。庚子統一後太康十太熙一。實二十六年。次惠帝名衷。武帝次子起庚戌至來週丙寅。凡七改元。永熙二元康九永康永甯各二太安永興各三光照一。尙有永平永安建武及復稱永安等號不計。實十七年。

愚案本週甲申以降。魏吳角立。神州無主。司馬氏雖稱帝建元。然至庚子平吳始統一天下。或謂自甲申後天下無統者凡十六年。細按綱目凡例。此項年數。仍應以分注書之。

又案漢起高帝己亥。迄後漢後主癸未。內滅新莽。十四年。凡四百五十一年。溯嘗。南漢盛時。國境東南至海。西達中亞細亞。北盡蒙古沙漠並服屬朝鮮遼東安南諸邦。衛時大漢聲威。固已陸讐水慄。無遠弗屆。自秦皇威振匈奴後兩漢積威

震鑿蜚聲域外。漢族名稱。漸被世界尊重。有自來矣。

黃紀第四十六甲子 起晉惠帝永興元年盡東晉哀帝興寧元年

本週歷惠懷愍帝及東晉元明成康穆哀諸帝。東晉徙都建康。

考正本週紀年。首惠帝。年數見前。次懷帝名熾。武帝第二十五子。爲僞漢劉曜等所執。尋遇害起丁卯至癸酉。改元永嘉。凡七年。次愍帝名遹武帝孫。聞懷帝遇害即在長安嗣位。迨長安陷復被劉曜執去。未幾又爲劉聰所害。起癸酉至丁丑。改元建興。凡五年。次東晉元帝名睿。懿曾孫瑯邪王覲子。懷愍既亡。帝乃中興江左。移都建業。起丁丑至癸未。凡三改元。建武二大興四永昌一。實七年。次明帝名紹。元帝子起癸未至丙戌。改元太寧凡四年。次成帝名衍。明帝子。起丙戌二月至壬寅。凡二改元。咸和九咸康八。共十七年。次康帝名岳。成帝弟。起癸卯至甲辰。改元建元。凡二年。次穆帝名聃。康帝子。生二歲嗣位。太后褚氏臨朝。起乙巳至辛酉。凡二改元。永和十二升平五。共十七年。次哀帝名丕。

成帝子。爲褚太后所立。以餌長生藥卒。起壬戌至來週乙丑。凡二改元隆和二興寧三。實四年。

愚案惠帝以不辨菽麥之資俟臨億兆之上。重以惡婦肆毒。諸王播疇。盜胡雲擾。海宇陸沈。謂非萬惡君主專制視國家爲私產階之厲耶。況此種亂徵。歷朝已數見不鮮。嗚呼噫嘻。徒苦吾民耳

附案當晉亂時羣醜乘間自本週起而割據者歷百四十年。大別爲匈奴鮮卑羯氏羌五胡。與少數漢族分據各區域。稱十六國。其次序載記纂錄各異。本編因便析爲五類。即二趙四燕三秦五涼及蜀夏是也。茲分述如下。首述二趙。一前趙。起高祖劉淵。匈奴族。以晉惠帝永興元年僭王號。國號漢懷帝永嘉二年稱帝。傳子和與烈宗聰聰子粲及族子曜曜改國號曰趙。是爲前趙。據燕晉秦豫幾佔全部。改年淵元熙四永鳳一河瑞二。聰光興一嘉平四建元一麟嘉三。粲漢昌一。曜光初十二。爲石勒所滅。共僭國自甲子至己丑合二十六年。一後趙。起高祖石勒。羯族以東

晉元帝大興二年僭王號。成帝咸和五年稱帝。傳子弘從子太祖處及虎子世遵篡竊。外有虎養孫武愷天王魏石閔卽冉閔。據襄國。尋掠中國北部之半。故年勸業和。二建平四。弘延熙二虎建武十四大寧一。世遵僭位數月未改年。廢晉龍二五祇永寧二。陶永興三亡。共僭國自己卯至壬子二姓合三十四年。次述四燕。二前燕。一起慕容皝。初襲其父廆僭爲遼東公。鮮卑族。以東晉成帝咸康七年稱王。傳子劼祖僭孫幽帝暉。據大棘城。後臣燕齊晉豫各一部。改年僭元璽五兆靈泗。廢建熙十。滅於前秦。共僭國自辛丑至庚午合三十年。一後燕起世祖慕容皝。鮮卑族以東晉孝武帝太元十一年據中山稱帝。傳子烈宗寶孫中宗盛及少子昭文帝簡襲孫惠懿帝雲卽齊養子高雲。所據地多與前燕毗連。改年垂建興十三。寶永泰三大監建平一長樂三熙光始末建始一。高雲正始三亡。共僭國自丙戌至己酉二姓合世平四年。又西燕慕容泓與前燕同族。晉太元中據濟北稱王。未幾其弟冲覆據阿房稱帝。尋被弑。繼以段隨。歷宜都王子慕容顛及冲子瑤泓子思至永爲後燕慕容垂所

滅。故依沈譜以附後燕後。改年泓燕興一。神更始一。隨昌平一。顛建明一。瑤建平一。忠建武一。永中興九。共僭國自甲申至癸巳二姓合十年。十南燕起世宗慕容德。號少子。據魯豫一帶地。於安帝隆安二年僭號。傳兄納子超。爲晉所滅。改年德燕平二建平六。超太上六。共僭國自戊戌至庚戌合十三年。一北燕起太祖馮跋。亦鮮卑族。與慕容寶養子高雲同弑慕容熙。至雲被殺後僭稱天王。據和龍一帶地。宋元嘉初。跋死。弟弘廢其子翼自立。尋爲元魏所破奔高麗。見殺國亡。改年跋太平廿二。弘大興六。共僭國自己酉至丙子合廿八年。再次述三秦。一前秦起苻洪。氏族。傳子高祖健。以晉穆帝永和七年據關中自立爲天皇。歷孫生世祖堅。庶曾孫哀平帝丕及堅族孫太宗登與登子崇。而以堅時極盛。據有中國北部秦半改年健皇始五。生壽光三。堅永興二。甘露六。建元廿一。丕太安二。登太初九。崇延初一。爲乞伏氏所滅。共僭國自辛亥至甲午合四十四年。一後秦。起始祖姚弋仲羌族。傳子魏武王襄。太祖長孫高祖興及興子泓，以晉太元中僭號。據有陝甘豫

一帶地域。改年表曰雀二建初八與皇初五弘始十八泓永和二。爲晉所滅。共僭國自甲申至丁巳合三十四年。一西秦起烈王乞伏國仁。鮮卑族據甘肅西南部。於晉太元中稱大單于。傳弟高祖乞伏乾歸及乾歸子太祖熾磐並磐子暮末。改年國仁建義四。乾歸太初連失國八年合二十一由秦逃歸後更始四。熾磐永康八建弘九。暮末永弘四，見滅於夏。共僭國自乙酉至辛未合四十七年。又次述五涼。一前涼。起武穆公涼州牧張軌漢族。軌受晉惠帝命刺涼州。在職十四年。遂占有其地。傳子元公寶在職七年。成公茂在職五年。孫忠成公駿在職共二十二年或謂前半係龔西平公爵後半則咸康初即自稱假涼王。自時厥後。歷駿子敬烈公重華。在職八年。華子耀靈。在職未滿一月。華堂兄祚。在職三年。最後爲靈庶弟敬悼公玄靚在職九年。靚叔悼公天錫。在職十四年。降於前秦。改年重華永樂八。祚和平二。餘自實起。多稱愍帝建興年號。惟玄靚曾一遵用穆帝後元升平。共僭國四十年餘。通計自辛酉至丙子九世合七十六年。一後涼。起太祖呂光。氏族。初仕秦。後

據涼。以孝武太元十一年僭號。傳子紹庶子靈帝纂及姪隆。改年光太安三麟嘉七龍飛四。紹僅立五日被庶兄纂弒未改年。纂威寧三。隆神鼎三亡。共僭國自丙戌至癸卯合十八年。一南涼。起烈祖禿髮烏孤。鮮卑族。初爲呂光部將。據金城一帶地。以安帝隆安元年僭立傳弟康王利鹿孤與景王儼檀。改年烏孤太初三。利鹿孤建和三。儼檀弘昌六嘉平七。滅於西秦。共僭國自丁酉至甲寅合十八年。一西涼起昭武王李暹。漢族。據敦煌一帶地。於安帝隆安四年自稱涼公。傳子歆及恂。改年暹初以干支紀年稱庚子迄甲辰。尋改建初歷年十三。歆嘉興四。恂永建二。滅於祖渠共潛國自庚子至辛酉合二十二年。一北涼。起建康公段業。漢族。晉隆安初據張掖。稱涼王。尋被其部將匈奴族沮渠蒙遜篡弒。傳子牧犍一作茂虔。爲元魏所滅。改年業神璽二天璽三。蒙遜永安十二玄始十五承玄義和各三。牧犍永和七。共僭國自丁酉至己卯二姓合四十三年。餘如蜀夏二國。蜀起成都王李特子太宗雄。氏族。據成都一帶地。以晉惠帝永興元年自稱成都王。尋稱帝國號成

。傅子幽公期與從弟中宗壽及壽子勢。壽既篡立。改國號曰漢。故亦稱成漢。而本編從載記纂錄例仍書蜀後滅於晉。改年特建初一。雄建興二晏平五玉衡二十四。期玉恒三。壽漢興六。勢太和嘉寧各二。共僭國自癸亥至丁未合四十五年夏起。天王赫連勃勃匈奴族。以晉安帝義熙三年據朔方。稱大夏天王。後僭稱帝。傅子昌及昌弟定。爲吐谷渾所襲國亡。改年勃勃龍昇六鳳翔五昌武一真興七。昌承光四。定勝光四。共僭國自丁未至辛未合二十五年。緣觀上述五胡諸國在華。未率漸次與漢族同化。就中最先起者爲劉趙李成。而晉之懷愍、二帝且爲劉聰等所弑。然時劉趙實力僅及山陝。其東部土地則悉爲石勒分據。未幾更進并北方。釁勢極盛。傳至石虎荒淫不道。身後諸子水火。盡爲養孫漢族冉閔所殺。此後匈奴與羯兩族。遂不復振。是時塞外鮮卑族慕容氏已乘機內犯。攻殺冉閔。入據魯豫等處。氏族符氏亦興於關中。兩族互相雄長。而符秦獨統一北方。及淝水敗後。慕容起。羌姚興後燕慕容兩氏爭執北方半耳。儼有兩雄不并立之勢。無何後燕挫於元



魏。裂爲南北二國。南燕與姚秦。亦并於晉。神州統一。此其時矣。獨憾劉裕率西征勝師急歸圍篡。遂令所收復地復淪於夏。而夏與北方諸國。均不旋踵又折入於元魏。嗚呼。此南北朝所以對峙三周甲子也。或謂匈奴族漢劉淵涼沮渠蒙遜鐵弗劉虎夏赫連勃。勃羯族趙石勒。鮮卑族燕慕容廆垂冲德馮跋秦乞伏國仁涼秃髮烏孤遼西段務勿廩宇文普回。巴氏族蜀李特氏族秦苻洪呂光仇洗楊茂搜。羌族，姚弋仲。及華族涼張軌李暠魏冉閔譙蜀譙縱。都二十一國。而以仇池竊國歷前八傳後十一傳二百一十五年爲最久。然據正史刪併。仍應以十六國著稱爲是或謂兩晉胡禍。已達極點。論者以晉前屢受招撫。晉初又不徙戎。譏當時失策遺患卽皇漢後聲威至是亦掃地無餘。不知自春秋以還。吾國民族範圍。漸次擴大。各族一再接觸。胥歸融合。確係凡物同化一種定理。後此後魏漢化極深。齊同中國。無復漢胡痕迹。以視遼金二國元清兩朝猶有進耳。然則各族迭次融合。成爲整個神州國族固亦漢族所歡迎乎。曰當以少數吸於多數。非以多數誣於少數。

黃紀第四十七甲子。起東晉哀帝興寧二年。盡劉宋營陽王景平元年。

邇歷東晉哀帝。次簡文。孝武。與安恭諸帝。及南朝宋武帝。營陽王。宋定都建康。考正本週紀年。首東晉哀帝。年數見前。次帝奕。哀帝弟。起丙寅。至辛未。改元太和。凡六年。次簡文帝名昱。元帝少子。桓溫廢帝奕爲海西公。後迎立。起辛未。至壬申。改元咸安。凡三年。次孝武帝名曜。簡文子。起癸酉。至丙申。凡三改元。寧康。三太元。三十一。共廿四年。次安帝名德宗。孝武子。桓玄篡時廢爲平固王。及玄誅始復位。後爲劉裕所弑。起丁酉。至戊午。凡三改元。隆安。五元。興。三義熙。十四。共廿二年。次恭帝名德文。安帝弟。係劉裕所立。尋廢爲零陵王。復使弑之。起己未。至庚申。改元元熙。凡二年。至是晉亡。次南朝宋武帝。姓劉氏名裕。彭城人。以恭帝元熙二年篡晉稱帝。起庚申。至壬戌。改元永初。凡三平。次少帝名義。符武帝長子。起癸亥。至來週甲子。被徐羨之等廢爲營陽王。尋被弑。改元景平。凡二年。憑案晉後歷宋齊梁陳。是爲南朝。其在北方。則自諸國爲元魏所并。旋分東西。

東魏傳北齊。西魏傳後周。後周復并北齊。是爲北朝。或謂自劉裕篡晉。遂降代北周。天下無統者一百六十八年。至楊氏滅陳。黃塵蕩盡。而後天下乃定於一矣。又案隋晉起武帝乙酉迄恭帝庚申。凡一百五十六年。

黃紀第四十八甲子 起劉宋文帝元嘉元年盡齊武帝永明元年

本週歷南朝宋文帝孝武廢帝明帝高祖及齊高祖武帝。齊亦都建康。

孝正本週紀年。首營陽王數月。次文帝名義隆。武帝第三子。後爲逆子劬厥弒。起甲子八月至癸巳。改元元嘉。凡三十年。次孝武帝名駿。文帝第五子。舉兵謀劬厥立。起甲午至甲辰。凡二改元。孝建三大明八。共十二年。次廢帝名弘。孝武帝子。乙巳立。其年被弒。改元景和。或云曾改永光。僅一年。次明帝名彧。文帝第十二子。起乙巳十二月至壬子。凡二改元。泰始七泰豫。共八年。次廢帝名昱。即後廢帝。起癸丑至丁巳。改元元徽。凡五年。次順帝名業。明帝第三子。蕭道成廢後廢帝後擁立。尋廢之而受其禪宋亡。起丁巳至己未。改元昇明

。凡三年。次南朝齊高帝。姓蕭氏名道成。南蘭陵人。以宋昇明三年篡宋稱帝。起己未至壬戌。改元建元。凡四年。次武帝名頤。高帝子。起癸亥至來週癸酉。改元永明。凡十一年。

愚案劉宋營陽既廢。徐羨之等乃迎立文帝。後爲子劭所篡。子業立未久亦遭弒。厥後蕭梧與順帝又皆被其司空蕭道成廢弒尋篡立。距晉宋禪代猶未逾歲紀一周。當此山河改易倫紀滅絕之際。而陶彭澤以八十三日微末故令。至本週元嘉丁卯獨能以晉之完人終。其視近世竊國八十三日之袁氏爲何如耶。

又案吾國錢幣。漢以前用刀布。漢至隋用五銖。其以年號鑄爲錢文。據王氏錫棗泉貨彙考所列神州正品。應以本週劉宋孝武之孝建四銖爲首。此後所鑄則十九爲有年號之函方通寶圓錢。

黃紀第四十九甲子 起南朝齊武帝永明二年盡梁武帝大同九年  
本週歷南朝齊武鬱林海陵明帝東昏和帝及南朝梁武帝。梁仍都建康。

考正本週紀年。昔南朝齊武帝年數見前。次鬱林王名昭業。其弟海陵王名昭文。於甲戌相繼立。均爲蕭鸞廢弑。昭業改元隆昌。昭文改元延興。共一年。次明帝名鸞。高帝猶子申戌篡立至戊寅。凡二改元。建武五永泰一。實五年。次東昏侯名寶卷。明帝次子。起己卯至辛巳。被蕭衍廢弑。改元永元。凡三年。攔和蕭鸞寶融。明帝第八子。爲蕭衍所立。起辛巳至壬午禪位國亡。改元中興。凡二年。次南朝梁武帝。姓蕭氏名衍。南蘭陵人。以齊中興二年篡齊稱帝。後爲侯景迫於臺城憤卒。起壬午至來週己巳。凡七改元。天監十八普通八大通三中大通六。共四十二年。大同二太清三。實四十八年。

愚案南齊明帝蕭鸞連絳鬱林海陵二君。并誅戮諸王殆盡。豈以高帝盡滅劉氏而冥冥中即假手於其兄子以報之歟。然東昏不道忘親。巴陵被廢猶弑。則又以出爾者反爾也。

黃紀第五十甲子 起南朝梁武帝大同十年盡隋文帝仁壽三年

本週歷南朝梁武簡文與元敬二帝及陳武文臨海宣帝後主迄於隋之文帝。陳都建康。隋都長安。

考正本週紀年。首南朝梁武帝。年數見前次簡文帝名綱。武帝第三子。爲侯景所弑。起庚午至辛未改元大寶。凡二年。次元帝名繹。武帝第七子。以誅景立於江陵。起壬申至乙亥。改元承聖。凡四年。次敬帝名方智。元帝子。因陳霸先追天成帝淵明退位獲立。尋禪於陳。起乙亥至丁丑。凡二改元。紹泰一太平二。共三年。次陳武帝姓陳氏名霸先。吳興人於太平二年繼梁稱帝。起丁丑至己卯。改元永定。凡三年。次文帝名蒨。武帝兄子。起庚辰至丙戌。凡二改元。天嘉七天康一。實七年。次臨海王名伯宗。文帝子。爲安成王瑱所廢。起丁亥至戊子。改元光大。凡二年。次宣帝名頊文帝弟。起己丑至壬寅。改元太建。凡十四年。次後主名叔寶。宣帝長子。隋廢爲長城公。起癸卯至己酉陳亡。凡二改元。至德四禎明三。共七年。次隋文帝姓楊氏名堅。華陰人。於北周大定時篡周稱帝。迄己酉

平陳始統一天下。起辛丑至來遇甲子。凡二改元。開皇二十仁壽四。共二十四年。

愚案南宋起武帝庚申。迄順帝己未。凡八主六十年。齊起高帝己未。迄和帝壬午。凡七主二十四年。梁起武帝壬午。迄敬帝丁丑。凡四主五十六年。另加昭明世子江陵後梁宣帝蕭譽。起乙亥實起戊寅至壬午。年號大定。晉子明帝歸。起壬午至乙巳。年號天保。歸子莒國公琮爲隋所滅。起丙午至丁未。年號廣運。連前合八十九年。陳起武帝丁丑。迄後主己酉。凡五主三十三年。此四朝均都建康。查之孫吳東晉稱爲六朝。溯自顛頊肇建兜冀青徐豫荆梁揚雍九州後。至南北朝尙沿其稱。惟六朝疆宇日蹙。而陳又西亡蜀漢。北喪淮肥。威力所加。不出荆揚之域。使徵隋，文帝統一南北。唐太宗雪恥除兇。則中國前途。何堪設想耶。

附案北朝國別。一魏起鮮卑族道武帝拓拔珪。係晉愍帝所封代王拓拔猗盧玄孫。襲代王什翼犍孫寔死國絕。至珪復興。一說其先代即漢將李陵。以東晉孝武帝太

元十一年自立爲代王。尋改稱魏。都平城。起丙戌。凡四改年。登國十一皇始三天興七天賜六被弑。次珪子明元帝嗣。討誅逆紹繼立。起己酉。凡三改年。永興五神璫三泰常八。次嗣子太武帝濤立。起甲子。凡六改年。始光五神璫四延和三太延六太平真君十二正平二。次肅長孫文成帝濬立。起壬辰。凡四改年。興安三興光二太安五和平六。次濬子獻文帝弘立。起丙午。凡二改年。天安一皇興五。次弘子孝文帝宏立。始改姓元氏。徙都洛陽。起辛亥。凡三改年。延興六承明一。太和二十三。次宏子宣武帝元恪立。起庚辰。凡四改年。景明四正始永平各五延昌四。次恪子孝明帝詡立。起丙申。後爲母胡所鳩。凡四改年。熙平神龜各三正光六孝昌四。次彭城王勰子孝莊帝子攸立。起戊申。未幾爲弑。胡后與幼主臨洮王釗之爾朱榮子兆所弑。改年永安。凡三年。次廣陵王羽子節閔帝恭立。爲高歡所囚。逾年被弑。即前廢帝。起辛亥。二月改年普泰。凡一年。次章武王融子安定王朗。係歡所迎立。旋廢即後廢帝。起辛亥十月改年中興。凡二年。次廣平王



懷子孝武帝修。史稱出帝。亦歡所擁立。因懼其逼。乃西入關就宇文黑獺被醜。起壬子。凡三改年。太昌永興永熙同起壬子元。而永熙歷三年魏亡。方孝武西奔時。歡復立孝文帝宏孫善見於鄴。即孝靜帝。後爲歡子洋所篡。起甲寅。凡四改年。天平四元象二興和四武定八。是爲東魏黑獺亦別立善見從弟寶炬於長安。即文帝。起乙卯。改年大統。凡十七年。傅子廢帝欽。起壬申尋被黑獺廢弑。秦帝廓。起甲戌。復姓拓拔。雖爲黑獺所立。亦爲其子覺所弑。均未改年。是爲西魏以上北魏歷十三傳而分東西。東魏一傳十七年。西魏三傳二十三年。三魏共七百七十二年。二齊。起鮮卑族渤海王高歡。至其子文宣帝洋。以東魏孝靜武定八年篡立。都鄴。起庚午。改年天保。凡十年。次洋長子廢帝殷立。起庚辰。改年乾明。僅一年。次歡第六子孝昭帝演立。起庚辰。改年皇建。凡二年。次演弟武成帝湛立。起辛巳。凡二改年。太寧二河清四。次湛長子後主緯立。起乙酉。凡三改年。天統五。武平七隆化一。次緯長子幼主恒立。丁酉改年承光。尋爲周師所

執。與其父緯同遇害。別有安德王延宗。於後主出奔後爲衆所推。改年德昌。僅立二日亡。以上六傳共二十八年。三周。起匈奴族武川宇文泰即黑獺。至其子孝愍帝覺。以西魏恭帝四年，立稱天王。都長安。數月被兄子護所弒。未改年。次泰長子明帝毓。護擁以爲天王。起丁丑。初兩年無年號，後僭稱帝。尋被護弒。改年武成。凡二年。次泰四子武帝邕立。誅護復仇。起辛巳。凡四改年。保定五天和建德各七宣政一。次邕子宣帝贇立。起己亥。改年大成。凡一年。次贇子靜帝闡立。起己亥。凡二改年。大象二大定一亡。以上五傳共二十五年。綜上北魏及北齊北周三朝。起魏道武丙戌。盡周靜帝辛丑。共一百九十六年

黃紀第五十一甲子 起隋文帝仁壽四年盡唐高宗龍朔三年

本週歷隋文煬恭後恭諸帝及唐高祖與太高二宗。唐仍都長安。

考正本週紀年。首隋文帝。年數見前。次煬帝名廣。文帝次子。弒父自立。後爲宇文文化及所弒。起乙丑至丁丑改元大業。凡十三年。次恭帝名侑即代王。煬帝孫

。初爲唐公李淵所立。尋廢爲鄴國公而受其禪。起丁丑至戊寅。改元義寧凡二年。次後恭帝名侗。恭帝弟。初封越王。及煬帝凶問至東都時。爲王世充所立。旋被弑隋亡。起戊寅至己卯。改元皇泰。凡二年。次唐高祖姓李氏名淵。隴西人。仕隋襲封唐公。值煬帝無道。起兵弔伐。未幾受禪。起甲申至丙戌。改元武德。凡三年。連未統一前併算。共九年。次太宗名世民。高祖次子。唐有天下厥功居多。起丁亥至己酉。改元貞觀。凡二十三年。次高宗名治。太宗第九子。起庚戌至來週癸未。凡十四改元。永徽顯慶各六龍朔三麟德二乾封總章各三咸亨五上元三儀鳳四調露永隆開耀永淳各二弘道一。實三十四年。

愚案本週前辛丑歲。隋文帝楊堅肇國。建元開皇，己酉九年。混一海宇。蓋後恭帝皇泰二年己卯。共四君三十一年。或謂自前秦帝義寧戊寅遜位迄癸未歲。天下無統者六年。

附案隋唐間羣雄四起。時人呼爲十八路反王。除徐圓朗陳季真極微與宇文化及巨

奸應屏諸四夷外。特依新唐書傳次序並參照帝王世紀考附錄。列舉十五國如下。  
一魏李密。初密與楊玄感於隋大業九年癸酉起兵黎陽。未幾玄感敗死。至恭帝義寧丁丑改元。密已漸次取得河南諸郡。自號魏公。即於是年改年太平。次年降唐。後以叛誅。二鄭王世充。本姓支。西域胡人。冒姓霸城王氏。方煬帝凶問至東都。世充乃陽立恭帝弟越王侗。後亦諡恭帝。以資號召。尋爲所弑。仍據東都。武德己卯稱帝。國號鄭。年號開明。凡三年降唐。三夏竇建德。據河北。自稱長樂王。年號丁丑。尋改五鳳。歷四年。曾於唐武德二年破宇文化及於聊城誅之。天下稱快。後爲唐所擒國亡。四秦薛舉。據隴西義寧丁丑自號西秦霸王。年號秦興。尋稱帝。翌年傅子仁果戰敗降唐。五涼李軌。據河西。義寧二年稱帝。年號安樂。閏三年亡。六定楊劉武周。初突厥立以爲定楊可汗。並遣以狼頭纛。義寧丁丑。稱帝。年號天興。歷四年。唐討之敗死。七燕高開道。據北平稱王。年號始興。閏三年爲部下所殺。八漢東劉黑闥。初隸竇建德部。夏亡據山東。武德壬

午稱漢東王。年號天造。逾年滅於唐。九梁蕭銑據巴陵。丁丑改年鳴鳳。尋稱帝。徙都江陵。閱五年降於唐。十宋輔公祐。據淮南稱帝。僅二年亡。其大宋乾德稱號。想係宋初以觸忌被刪。十一梁沈法興。據毗陵。己卯稱梁王。年號延康。俄爲李子通所襲走死。十二吳李子通。己卯據江都稱帝。年號明政。閱二年爲唐所俘國亡。十三楚朱粲據漢南。武德戊寅稱帝。年號昌達。逾年降唐。十四楚林士宏。初據鄱陽。尋掠虔州。北盡九江。南至番禺。悉爲所有。大業末年稱帝。年號太平。歷七年衆散遂亡。十五梁梁師都。據朔方。義寧丁丑稱帝。年號永隆。歷十二年被逆弟洛仁殺以降唐。以上諸國雖有年號。無關軒輊。而夏仿李涼庚子等號於五鳳前稱丁丑則甚奇。

黃紀第五十二甲子 起唐高宗麟德元年盡玄宗開元十一年

本週歷高中睿玄四宗。而中宗嗣聖時十九爲武后稱制之年。

考正本週紀年。首高宗。年數見前。次中宗名顯。高宗子。嗣位月餘。被母武氏

懸遷房均各州。並改國號爲周。歷二十有一年防復辟。後爲韋氏所弑。起甲申至庚戌。凡三改元。嗣聖二十一。仍稱神龍。二後稱景龍四。共二十七年。附注二十一年係武氏據位。先後改年光宅一。垂拱四。永昌一。改正載初。二。改周天授三。如意一。長壽三。延載證聖各一天。册萬歲二。萬歲登封一。萬歲通天二。神功一。聖曆三。久視一。最年已復夏正。此後尙有大足一。長安四。神龍一。次睿宗名旦。中宗母弟。始立即嗣。聖初載。景龍末年復位。起庚戌至壬子。並自甲申始立起算。凡四改元。文廟。雲景。二。太極延和各一。實四年。次玄宗名隆基。睿宗第三子。因討韋氏功受禪。起壬子至來邇丙申。凡三改元。先天一。開元二十九。天寶十五。共四十五年。

愚案本週前戊寅歲。唐高祖受禪即位。其得天下之正。視漢明二祖似無遜色。乃編目於此。獨書以稱帝者。以惡其仍襲魏晉以還之惡例耳。

又案唐初國力充盛。至中宗朝餘威猶震殊俗。觀日本下野那須國造菟碓鐵鏡尊有  
大書永昌元年己丑字樣。其時適值該國女主持統三年。則中國當時聲名遠播益施

及選荒可知矣。又日人市岡正一著和漢洋年曆箋。於大化建元上方註唐貞觀十九年。和紀元千三百零五年。西洋紀元六百四十五年。足徵特別尊重吾國紀元。奈何吾人於本國長曆紀年。反自菲薄耶。

黃紀第五十三甲子 起唐玄宗開元十二年盡德宗建中四年

本週歷立肅代德四宗。

考正本週紀年。首玄宗。年數見前。次肅宗名亨。玄宗第三子。因祿山之亂。立宗幸蜀。遂嗣立於靈武。起丙申至壬寅。凡四改元。至德乾元上元各三寶應一。實七年。次代宗名豫。肅宗子。起癸卯至己未。凡三改元。廣德永泰各二大歷十。四。實十七年。次德宗名適代宗子。起庚申至來週乙酉。凡三改元。建中四興元一貞元二十一。共二十六年。

愚案本週開元已巳。頒行僧一行大衍曆。蓋以易大衍法推測躔度成此鉅製也。溯自唐堯以降。冬至日躔各不相同。隋劉焯始就劉宋大明曆載日躔四十年差一度及

何承天論百年退一度等說。酌中定爲七十年退一度。似覺精審。至是一行復參照焯說並根據大衍法而推定八十三年差一度。愈見完密。即日本亦遵用之。此法行至清初。圃臣徐氏仍覺疏略。於是悉心考究。定爲每六十二年差一度。即自堯初冬至日躔虛宿七度。四十五年庚申躔虛六度。舜四年壬戌躔虛五度。迄康熙壬戌躔箕二度是也。依此推算並與紀年辯誤所揭合於天象符於經傳之說靡谷。仍可推知帝軒初元日躔當在危之初度。

又案本週建中初載。德宗因天寶後版籍浸壞。賦歛取辦無復常準。爰用楊炎議作兩稅法。先計州縣每歲所用及上供之數而賦於人。量出以制入。戶無主客。以見居爲簿。人無丁中。以貧富爲差。此法夏輸無過六月。秋輸無過十二月。是爲兩稅。近世每年分上下忙兩期征糧與明所行一條鞭法。大率仿此而相劑爲變者。正不得因後世賦歛無藝而並訾及唐代兩稅也。任氏源祥云商鞅。壞井田爲興一時之利。楊炎廢均田爲救一時之弊。信然。



黃紀第五十四甲子 起德宗興元元年盡武宗會昌三年

本週歷德順憲穆敬及文武諸宗。

考正本週紀年。首德宗。年數尸前。次順宗名誦。德宗子。以癘風瘡內禪。改元永貞。僅乙酉一年。次憲宗名純。順宗子。後被宦官陳宏志等所弑。起丙戌至庚子。改元元和。凡十五年。次穆宗名恒。憲宗第三子。起辛丑至甲辰。改元長慶。凡四年。次敬宗名湛。穆宗長子後爲中官劉克明等所弑。起乙巳至丁未。改元寶曆。凡三年。次文宗名昂。穆宗次子。初因中官王守澄獲立。後倚李訓鄭注圖中官。遂致甘露之變。起丁未至庚申。凡二改元。太和九開成五共十四年。次武宗名炎。穆宗第五子。爲閩人仇士良廢太子後擁立。起辛酉至來週丙寅。改元會昌。凡六年。

愚案本週順宗於德宗崩未逾年改元。史家僉謂非得已也。其實前此睿玄宗諱宗。即係不逾年改元。雖有特種情形。然究不可爲訓。綱目於太極時黜堯天。是爲得

之。

又案吾國關於宇內物質文明。有開必先。觀世本物原及其他史書所載技藝美術。已可概見。而最奇者爲帝軒創製航行行軍所必需之指南車。降逮本週憲宗時。其制尤爲美備。如綱鑑注稱該車上有樓。四角刻木爲龍。又刻仙人衣羽衣於其上。車雖四轉。手常指南云云。其大較也。若夫周公司南車。晉代指南舟。殆即本帝軒成法而稍事變通歟。

黃紀第五十五甲子 起唐武宗會昌四年盡昭宗天復三年

本週歷武宣懿僖昭諸宗。

考正本週紀年。首武宗。年數見前。次宣宗名忱。憲宗第十三子。係馬關元贄於武帝病篤時乘機擁立。起丁卯至庚辰。改元大中。凡十四年。次懿宗名漼。宣宗長子。爲王闢宗實所立。起庚辰至甲午。改元咸通。凡十五年。次僖宗名儂。懿宗第五子。係劉闢行深所擁立。後因黃巢之亂奔赴鳳翔。逾年還崩。起甲午至戊

申。凡五改元。乾符六廣明二中和五光啓四文德一。實十五年。次昭宗名晔。懿宗第七子。初封壽王。爲楊闢復恭擁立。後被朱溫所弑。起己酉至來週甲子。凡七改元。龍紀一大順景福各二乾寧五光化天復各四天祐一。實十六年。

愚案唐末兵役屢起。民不聊生。所在相聚爲盜。僖宗初元。玉仙芝黃巢等起兵倡亂。巢勢獨盛。連陷諸州。因乘勢取洛陽破潼關進踞長安。僭稱齊帝。並建王霸金統等號。唐帝乃使北邊守將沙陀族朱邪克用討平之。由是異族乘權。毒流五代。履霜堅冰。非一朝夕之故矣。

黃紀第五十六甲子 起唐昭宣帝天祐元年盡宋太祖乾德元年

本週歷唐昭宣帝與後梁後唐後晉後漢後周五代訖宋之太祖。五代惟後唐都洛。餘均都汴宋亦因之。

考正本週紀年。首昭宗數月。次昭宣帝名晔。昭宗第九子。本週初載甲子秋間朱溫弑昭宗。矯詔挾立。後仍爲溫所篡弑唐亡。起乙丑至丁卯。仍稱天祐。凡三年

。次梁唐晉漢周五代。起丁卯至庚申。年號另見附案。總五十四年。次宋太祖姓趙氏名匡胤。逐人。以周恭帝庚申受禪。越十五年平定江南始統一天下。起庚申至來週丙子。凡三改元。建隆四。乾德六。開寶九。實治七年。除未統一年數在位僅二年。

愚案昭宗被弑。昭宣襲位。連年厄於朱逆。未獲改元。嗣至篡亡。計自高祖甲申迄昭宣丁卯。凡二十帝二百八十四年。

附案新五代史云五代亂世。其事無法。至其年號乖錯以惑後世。則不可以不明。茲仍另爲案語臚舉如下。一梁。起太祖朱溫。唐賜名全忠。更名晁。楊山人。以昭宣天祐四年丁卯篡立。至壬申。凡二改元。開平五。乾化三。爲逆等友珪篡弑。僭元鳳。潛開數月。後溫三子末帝瑒即友貞誅珪繼立。起癸酉至癸未。凡二改元。貞明六。龍德三。其始二年仍稱乾化。以壬寅至庚午十七年。起莊宗朱邪存勳。西突厥沙陀族。沙陀即大獺。地在蒲類海東。流徙唐賜姓李氏。其父晉王克

用志復唐仇。晉與梁抗。癸未存勗滅梁稱帝。改元同光。至丙戌。爲郭伶從謙所弒。同年克用養子魏愔烈即明宗嗣源立。至癸巳。凡二改元。天成五長輿四。甲午嗣源子愍帝從厚立。改元應順僅五月。以潞王從珂反出奔。尋被醜死。從珂嗣源養子。本姓王氏。漢族。甲午四月廢從厚而自立。至丙申。爲石晉誘殺契丹與戰兵敗自焚死。改元清泰。是爲廢帝。以上四主三姓共守四年。三晉。起高祖石敬瑭。沙陀人。明宗愍。以父事契丹賂以燕雲。即割棄山前後幽薊瀛漠涿檀順新媯儒武蔚雲應寰朔等州。假其兵力入洛篡立。起丙申至壬寅。年號天福。翌年敬瑭兄子齊王重貴立。至甲辰。始改稱開運。歷四年爲契丹所滅。並執重貴北去。以上二主共十二年。四漢。起高祖劉高初名知遠。亦沙陀人。或謂係東漢明帝子暍孫。初仕唐。入晉官節度封北平王。晉亡晉陽軍士推以爲帝。仍稱天福十二年。明年戊申。改稱乾祐。尋卒。次子隱帝承祐立。未幾爲郭威所弒。起己酉至庚戌年號仍稱乾祐。以上二主共四年。五周。起太祖郭威。邢州人。辛亥篡立。

至甲寅。凡二改元。廣順三顯德一。厥後養子柴世宗榮立。稱五季唯一賢君。起甲寅至。己未仍稱顯德。最後世宗子。恭帝宗訓立。僅庚申一年不改元。尋禪於宋。封以鄭王俾奉周祀。以上三主二姓共十年。綜上五代始梁朱溫丁卯。訖周恭帝庚申。尙未滿甲曆一周。是時亂亡接踵。不足稱代。故實穎宋氏著論欲黜朱梁紀年。或曰自朱溫竊國至宋祖平江南之歲。天下無統者已閱六十八年。細按兩說。與全唐詩將五代南唐諸作統入唐詩。不復另標朝代之用意微合。即本編第九甲子所書無王與本週考正五季紀年之用意。亦可藉以闡明云。

黃紀第五十七甲子 起宋太祖乾德二年盡仁宗天聖元年

本週歷宋太祖暨太眞仁諸宗。外有五代諸國中僅存之吳越北漢。至太宗時始平。

考正本週紀年。首太祖。年數見前。次太宗名昚。太祖弟。起丙子至丁酉。凡五改元。太平興國九雍熙四端拱二淳化五至道三。寶曆十二年。次眞宗名恒太宗次子。起戊戌至壬戌。凡五改元。咸平六景德四大中祥符九天禧五乾興一。共二十

五年。次仁宗名禎。眞宗第六子起癸亥至來週癸卯。凡九改元。天聖十明道三嘉祐五寶元三康定二慶歷八皇祐六至和三嘉祐八。寶四十二年。

愚案有宋太祖初基。建元建隆。其時華山隱士陳希夷因目擊五季禍亂。望治心切。喜而言曰。天下自此定矣。迨後康節擅術數。似即私淑希夷。而其實出自易緯。前已言之。雖數辭間有一二中者。然固不可以生剋制化吉兇悔吝之理。妄斷堯以來表歲首年之幹枝及一切有史事實也。

附案五代十國。稱帝改元者七。吳越荆楚。常行中國年號。然錢武肅於後唐明宗時尙有寶正六年之制書。則又似自帝其國者。今依歐史世家次序。分揭十國。如后。一吳。起太祖淮南度使吳王楊行密。楊因朱溫弒昭宗憤卒。傳子烈祖溥。稱唐天祐四年。尋爲徐溫所弒。立溥弟高祖隆演。仍稱天祐年號。至己卯歲。始建號武義。翌年演卒。弟睿帝溥立。辛巳改年順義。越七年丁亥稱帝。改年乾真。己丑復改太和。乙未又改天祚。越三年亡。以上起壬子訖丁酉。共四十六年。據

有江淮二十八州。二南唐。起烈祖徐溫養子徐知誥。石晉天福丁酉受吳禪稱帝。建號昇元。並復本生李姓。更名昇。癸卯歲卒。子元宗璟嗣立。癸卯改年保大。至戊午改年中興。旋改交泰。是歲璟更名景。去帝號降周。宋建隆二年。遷都洪州。未幾卒。子從嘉即後主煜嗣立。奉宋正朔。甲戌宋師南征。始去開寶年號。而以甲戌紀年。翌年宋師入金陵。煜出降國亡。以上起丁酉訖乙亥。共三十九年。據有江淮三十八州。三前蜀。起高祖唐西川節度使蜀王王建。於梁開平二年戊辰稱帝。改年武成。後有辛未改永平丙子改通正丁丑改天漢戊寅改光大等號。尋卒。子後主衍嗣立。逾年己卯改年乾德。七年乙酉復改咸康。滅於後唐。以上起辛亥訖乙酉。共三十五年。據有川漢四十九州。四後蜀。起高祖孟知祥。以莊宗同光三年帥蜀。廢帝清泰甲午稱帝。建號明德。同年卒。子昶嗣立未改年。至戊戌始改廣政。歷二十八年爲宋所滅。以上起乙酉訖乙丑。共四十一年。據有川漢四十五州。五南漢。起代祖唐封州刺史劉知謙長子烈祖隱。以昭宗乾寧三年襲廣



州。遂有南海一帶地。及卒。次弟白先歿。迺傳庶幼帝高祖天皇大帝巖。後更名  
襲。於梁貞明丁丑稱帝。國號大越。尋改稱漢。建號乾亨。乙酉改年白龍。越四  
年又改大有。壬寅薨卒。子孺帝玘嗣立。改年光天。翌年逆弟晉王晟篡立。改年  
應乾。旋改乾和。戊午晟卒。子後主鉉嗣立。改年大寶。越十四年宋克廣州鉉降  
。以上起丙辰訖辛未。共七十六年。據有嶺南三十三州。六楚。起武穆王唐潭州  
刺史馬殷。唐亡受後梁封爲楚王。後唐明宗長興元年卒。傳子衡陽王希聲立三年  
。文昭王希範立十六年。廢王希廣立四年中被兄希範擊殺。尋後復與弟希崇相攻  
。均臣附李景。舉族被遷金陵。景封寧楚王居洪州。崇領舒州節度使居揚州。而  
國即亡於是時。以上起丙辰訖辛亥。共五十六年。據有湖南嶺南二十二州。七吳  
越。起武肅王錢鏐。以唐昭宗景福二年鎮撫兩浙。受封越王。後封吳王。梁季封  
吳越王。後唐長興三年卒。傳子文穆王元瓘立九年。孫忠獻王佐立六年。忠遜王  
崇立數月被廢。忠懿王徽立三十一年。入宋獻地國除。以上起癸丑訖戊寅。共八

十六年。據有兩浙一軍十三州。八閩。起太祖王審知。以唐昭宗乾寧四年代兄潮觀察福建。唐亡受後梁閩王封。後唐同光三年卒。傳子延翰數月被弑。延鈞即太宗鑄。長興癸巳稱帝。改元龍啓。乙未復改永和。翌年子康宗昶篡立。改年通文。己亥景宗曦篡立。改年永隆。昶立三年。曦立六年。均被連逆重遇所弑。又曦嘗舉兵攻其兄延政兵敗。政乃於永隆癸卯以建州建國別稱殷。改年天德。乙巳仍復國稱。旋爲南唐所虜國滅。以上起丁巳訖丙午。共五十年。據有閩中五州。九南平。起渤海王高季興。以朱梁開平元年鎮荆南。後唐同光二年改封南平。天成三年卒。傳子文獻王從誨立二十一年。孫貞懿王保融立十三年。又侍中保勗任節度三年。融子侍中繼冲任節度二年爲宋將所襲納牌印請降國除。以上起丁卯訖癸亥。共五十七年。據有荆南三州。十北漢或作東漢。起世祖漢河東節度使劉崇。世祖憤湘陰公贊遇害。遂據河東。於周廣順元年稱帝。更名昺。仍稱隱帝乾祐年號。至子睿宗承鈞乙卯嗣立。亦稱乾祐。越三年。始改稱天會。歷十二年傳養子

少主薛繼恩被弑。同時彭城公何繼元亦以養子資格嗣立。仍稱天會。此二人係同母弟。其外祖晏命養宗養以爲子。戊辰繼元改年廣運。閱十二年降宋國亡。以上起辛亥訖己卯。共二十九年。據有山西十二州。綜上各國據地。泰半係就日後析併者而言。又其軍於本省有闕考古亦偶有可紀者。往歲不佞曾於省垣德勝門內大安寺殿右見有大鐵香爐一。狀如蓮花。高六尺許。識云維吳太和五年歲次癸巳七月鑄。細閱太字下一點剝脫有痕。而江西考古錄則載明吳赤烏元年造。意者此爐係太和中重鑄歟。惟查孫吳無太和年號。其時曹魏明帝太和五年辛亥。與稍後元魏孝文太和五年辛酉。又均與此無關。今閱歐史世家。始悉此太和爲後唐吳楊溥年號。他書多誤作大和。以視宋初得蜀鏡背識乾德四年江南保大中浚秦淮得石誌刻有大宋乾德四年字樣。洵屬同一不可思議矣。然則考正甲子之作。在有史時代。烏能視爲經圖哉。

黃紀第五十八甲子 起宋仁宗天聖二年盡神宗元豐六年

本週歷仁英神三宗。

考正本週紀年。首仁宗。年數見前。次英宗名曙。仁宗嗣子。太宗曾孫。起甲辰至丁未。改元治平。凡四年。次神宗名頊。英宗長子。起戊申至來週乙丑。凡二改元。熙寧十元豐八。共十八年。

愚案本週仁宗嘉祐間。康節行天津橋忽聞鶻聲。嘆曰。天下將治。地勢自北而南。將亂。自南而北。無何神宗竟相安石。此亦不幸而偶中者。迺後人依託邵氏。造爲種種前知謬說。其怪誕愈不可究詰。夫氣候縱有朔南之異。人才豈以冀北而空。況有宋季年南方名賢迭出。足見天地生才原不以地限也。又況吾國南北界域。初無絕對界限。在昔以黃河分南北。中世以長江分南北。倘異日能合南洋羣島爲一國。則又當以中國海分南北也。質之迷信經世者流。其謂之何。

又案世之術士。其所挾數。於康節外每託之漢諸葛明青田。殊不知諸葛固明言成敗利鈍非所逆睹。而青田亦因未能前知始中元進士作邑令。不然祁山空出明珠暗

授胡爲平。鑾華亭陳眉公於萬歷間撰太平清話。謂身際清朝丁康熙。未幾瀛清聖祖卽代明永明王矣。此其偶合之巧妙。視邵子經世統於一元之泛論何如。而况元之意義並非朝代耶。

黃紀第五十九甲子起宋神宗元豐七年盡高宗紹興十三年

本週歷神哲徽欽四宗及南宋之高宗。南宋遷都臨安。

考正本週紀年。首神宗。年數見前。次哲宗名煦。神宗第六子。起丙寅至庚辰。凡三改元。元祐九紹聖五元符三。實十五年。次徽宗名佶。神宗第十一子。後爲金人逼行內禪。起辛巳至乙巳。凡六改元。建中靖國一崇寧五大觀四政和八重和。二宣和七。實二十五年。次欽宗名桓。徽宗長子。因金人強逼受禪及虜攻陷京城。迫使北去。同去者有太上並后妃太子宗戚都三千人。起丙午至丁未。改元靖康。凡二年。次南宋高宗名構。徽宗第九子二帝北狩。金人立張逆邦昌爲僞愍帝。時構以出使行次濟州聞變。並因邦昌慮人心不附。送次遣使勸進。乃卽位於南京。

尋誅邦昌、起丁未至來潤壬午。凡二改元。建炎四紹興三十二。共三十六年。

愚案本週南北兩宋之交。女直屢次內犯。寇深矣。而時君實深之。脫令徽欽二宗發憤爲雄。不惑於諸奸主和邪說。則宋何至南。即南亦不至遷臨安而爲高宗構及以後之小朝廷矣。奈何兩宋不悟女虜始終以和字爲餌。而反始終以和字自愚。紹興中並誣殺民族英雄精忠岳飛。自壞國家長城。而遷就和議。是直不欲迎還二聖與收回失地也。哀哉。

附案南宋高宗建炎四年庚戌。知濟南府劉豫叛降金。金人以河南山東陝西等地爲僞齊國立豫爲帝僭元阜昌。如靖康中立張邦昌爲僞楚帝故事。至紹興七年。岳少保行間使金廢豫爲蜀王。數年即殞滅。此褻罪浮於邦昌。故綱目特誅之曰金劉豫死。

黃紀第六十甲子 起南宋高宗紹興十四年盡甯宗嘉泰三年

本週歷高孝光寧四宗。

考正本週紀年。首高宗。年數見前。次孝宗名昚。高宗繼子太祖七世孫。起癸未至己酉。凡三改元。隆興二。乾道九。淳熙十六。共二十七年。次光宗名惇。孝宗第三子。起庚戌至甲寅。改元紹熙。凡五年。次甯宗名擴光宗子。起乙卯至來週甲申。凡四改元。慶元六。嘉泰四。開禧三。嘉定十七。共三十年。

愚案本週紹興十四年禁程學淳熙十年禁道學慶元三年籍僞學。至是趙汝愚朱元晦等四十九人。皆以僞學逆黨得罪著籍。仍詔除毀語錄。即六經語孟中庸大學等書。當時均爲世之大禁。亦若道學名稱與語錄。眞爲人世之大不祥也者。嗚呼其果不祥哉。當仁宗朝。道州周茂叔首倡道學。略謂無極而太極。太極動而生陽。靜而生陰。陽變陰合而生五行水火金木土。五行一陰陽也。陰陽一太極也。朱子釋無極。謂非在大極外。復以上天無聲無臭爲造化之樞紐證之。斯眞吾道中之大澈大悟者。竊思道契谷神。釋稱空王。儒言上天之載無聲無臭。均含無極妙蘊。而以立教不同。故道釋尙玄虛。而吾儒則重實踐也。周子洞悉此理。爰揭之於太極

圖說及通書等篇。至程張朱陸諸公。乃更發揮而光大之。洵足以闡明實用哲學。而非二氏偏重玄虛所可同日語也。彼陳賈王淮輩雖百端毀之。其何傷於日月乎。

黃紀第六十一甲子 起南宋寧宗嘉泰四年盡理宗景定四年

本週歷寧理二宗。

考正本週紀年。首寧宗。年數見前。次理宗名昀。榮王希臚子太祖十世孫。係史彌遠矯詔廢寧宗繼子竑而擁立。起乙酉至來週甲子。凡八改元。寶慶三紹定六端平三嘉熙四淳祐十二寶祐六開慶一景定五。共四十年。

愚案寧理皆中才主。惟理宗始終崇尚理學。亦賢矣哉。

黃紀第六十二甲子 起南宋理宗景定五年盡蒙元英宗至治三年

本週歷南宋理度恭端諸宗及帝昺。外有蒙元世祖與成武仁英四宗。蒙元都燕京。

考正本週紀年。首理宗。年數見前。次度宗名禛。理宗繼子。起乙丑至甲戌。改元咸淳。凡十年。次恭帝名焜。度宗次子。爲賈似道所擁立。年甫四歲。理后謝



氏臨朝。後元人入長安。以帝與太后全氏並其生父與嵩等北去。起乙亥至丙子。改元德祐。凡二年。次端宗名昰。度宗長子。元兵攻陷臨安奔閩。因襲位於福州。後浮海至瀾州崩。起丙子至戊寅。改元景炎。凡三年。次帝昺。度宗第三子。即在瀾州嗣立。尋遷崖山。時陸秀夫張世傑效義據忠於內。文天祥謝疊山多方勤王於外。而卒無濟於事。後被元兵所襲。秀夫負帝殉國於海中宋亡。起戊寅至己卯。改元祥興。凡二年。次蒙元世祖忽必烈。姓奇渥溫氏。係太祖鐵木真少子拖雷之長子憲宗蒙哥母弟。宋景定初元立於開平。越二十年乃滅宋混一海宇。起庚辰至甲午。凡二改元。中統四至元三十一。除至元己卯未混一前止十五年。次成宗名鐵木耳。世祖忽必烈孫太子真金第三子。起乙未至丁未。凡二改元。元貞三大德十一。寶十三年。次武宗名海山。成宗鐵木耳兄答剌麻八剌子。起戊申至辛亥。改元至大。凡四年。次仁宗名愛育黎拔力八達。武宗海山母弟。起壬子至庚申。凡二改元。皇慶二延祐七。共九年。次英宗名碩德八剌。仁宗愛育黎拔力八

達子。起辛酉至癸亥。改元至治。凡三年。

愚案三代下歷代之失天下。以南宋爲最慘烈。當夫海洋殉國。天地爲愁。匪第一姓之榮光。實繫兩間之正氣。其所以能致是者。亦祖宗忠厚開基與歷朝尊賢養士之報耳。綜計兩宋北起太祖庚申盡欽宗丙午。共九主一百六十七年。南起高宗建炎丁未盡末帝祥興己卯。共九主一百五十三年。合共三百二十年。

附案史家於蒙元混一後。依綱目南北朝五代例。分書其年號。且黑其圈。以見其爲純陰之世也。然在蒙元前暨與之同時爲中國患者。尙有下列三國。一遼。起耶律億。別字阿保機。其先鮮卑遺種。元魏時改號契丹。南齊初元附魏。迨梁貞明丙子冬間。阿保機始稱帝。凡三改年。神冊六天贊四天顯一。是爲太祖。次阿保機次子太宗德光。起後唐天成丁亥。凡二改年初仍稱天顯二至十一。後改會同十大同一。又次德光兄子世宗阮初名兀欲立。後爲逆子述輒所弑。起後晉開運丁未。改年天祚歷四年。又次德光子穆宗璟初名述律誅述輒自立。起後周廣順辛亥。

改年應曆。歷十九年。又次阮次子景宗賢。起宋開寶己巳，凡三改年。保寧十乾享四。又次賢子聖宗隆緒。起宋太平興國癸未。復號大契丹。凡三改年。統和三十九開泰九太平十一。又次隆緒子興宗宗眞。起宋天聖辛未。凡二改年。景禱一重熙二十四。又次宗眞子道宗洪基。起宋至和乙未。凡五改年。清寧咸雍大康天安各十壽隆七。又次洪基孫天祚帝延禧。起宋建中靖國辛巳。凡三改年。乾統天慶各十保大五。爲金所滅遼亡。以上九主共二百十年。此外該族別建遼國。尙逾一甲子有奇。先是太祖阿保機八世孫耶律大石。乘天祚播越。立耶律淳爲帝。改年建福。淳死天祚子雅里爲羣僚擁立。改年神曆。尋以疾卒。迨遼室將亡時。大石擁兵而西。建立名號於萬里之外。甲辰改年延慶。是爲西遼。越二歲又改康國。至宋高宗紹興丙辰年卒。即西遼德宗。是年其妻感天皇后蕭氏塔不煙權國。改年咸清。凡七年。同年子仁宗夷列立。改年紹興。時宋紹興壬戌歷十三年卒。此以子幼遺詔以姝耶律氏普速完權國。即承天后。甲戌改年崇福。歷十四年。以奸

殺駙馬蕭朶魯。爲蕭父幹里刺射殺。夷列次子末主直魯古嗣立。戊子改年天禧。歷三十四年爲乃蠻王屈出律所滅。計三主及兩女主。合七十八年。二金起完顏阿骨打。一名旻。系出靺鞨。靺鞨本號勿吉。其部落即古肅慎地也。元魏時勿吉分七部。隋稱靺鞨。而七部並同。唐初有黑水靺鞨粟末靺鞨。其五部無聞。粟末始附高麗。後稱渤海王。傳十餘世。黑水所居肅慎地。南接高麗。曾爲之屬。唐開元中來朝。置黑水府。並以都督官其部長。賜姓李氏。厥後契丹盡取渤海地。而黑水靺鞨亦附焉。其在南者附籍契丹。號熟女直。其在北者即生女直金之始祖函普。係黑水部生女直族。其地夙以白山黑水著稱。及函景徙完顏部僕幹水之涯。遂爲完顏部人傳十世至阿骨打。以宋政和乙未稱帝。都上京。即會寧府。與遼都上京臨璜同在遼東。國號金。凡二改年。收國二天輔七。是爲太祖。次阿骨打弟太宗晟即吳乞買。起宋宣和癸卯。改年天會歷十三年。又次阿骨打孫熙宗亶。起宋紹興乙卯。後爲弟亮所弑。凡二改年。初仍稱天會十三至十五。後改天眷三皇

統九。又次夏弟海寧王亮。起己巳。凡三改年。天德四貞元三正隆六。又次吳乞買孫世宗雍。起宋紹興辛巳。改年大定歷二十九年。又次雍孫章宗璟。起宋紹熙庚戌。凡三改年。明昌六承安五泰和八。又次雍次子衛紹王永濟。起宋嘉定己巳。凡三改年。大安三崇慶至寧各一。又次璟庶兄宣宗珣。起宋嘉定癸酉。凡三改年。貞祐四興定五元光二。又次珣子哀宗守緒。起宋嘉定甲申。凡二改年。正大八天興三。及宋元合兵入蔡州遂自殺。而傳位於宗室末帝承麟。改年盛昌僅一日。亦被亂兵所害金亡。以上十主共百二十年。三西夏。起景宗趙元昊。或作李元昊。一名曩霄。趙德明子。其先出自鮮卑族拓拔氏。唐貞觀初拓拔赤辭歸化。太宗賜國姓置靜邊等州以處之。其後拔拓思恭鎮夏州。統銀夏綏宥靜五州地。後世又增寧靈鹽會豐勝甘涼肅瓜沙等州。以討黃巢功授定難軍節度使。迨孫彝昌遇害。族人彝興得繼其父蕃部指揮仁福後接統昌軍。宋初却北漢來寇之兵。並獻馮四。及卒追封夏王。傳至孫繼捧時。以太平興國七年率族入朝。賜姓名趙保忠。厥

後族弟繼遷叛附契丹。旋又降宋。復賜姓名趙保吉。至其子德明都督夏州時。並受封爲西平王。卒後子元昊始於宋仁宗寶元元年戊寅稱帝。國號大夏。年號天授禮法延祚歷十一年。未稱帝前尙有顯道二開運踰日廣運大慶各二年等數。次元昊子毅宗諱祚。起宋皇祐己丑。凡五改年。延嗣寧國一天祐垂聖三福聖承道四輝都六拱化五。又次諱祚子惠宗秉常。起宋熙寧己酉。凡四改年。乾道二天賜禮盛國慶五大安十天安禮定一。又次秉常子崇宗乾順。起宋元祐丁卯。凡八改年。天儀治平四天祐民安八永安三貞觀十三雍寧五元德七正德八大德五。又次乾順子仁宗仁孝。起宋紹興庚申。凡四改年。大慶四人慶五天盛二十二乾祐二十三。又次仁孝子桓宗純祐。起宋紹熙甲寅。改年天慶歷十三年被廢。又次乾順孫鎮夷郡王襄宗安全。起宋開禧丙寅。凡二改年。應天四皇建二。又次宗室神宗遜頊。起宋嘉定辛未。改年光定歷十三年。又次遜頊子獻宗德旺。於宋嘉定癸未受禪。改年乾定歷四年。又次德旺獅子南平干崑。於宋理宗寶慶丙戌嗣立未改年。越歲爲元所

滅國亡。以上十主共一百九十年。綜上兩外國一叛國。其禍宋殆與宋相終始矣。

黃紀第六十三甲子起元泰定帝泰定元年盡明太祖洪武十六年

本週自蒙元泰定歷明文寧順諸宗後。有明太祖忽應運起滁。未幾光復神州。定都金陵。

考正本週紀年。首蒙元泰定帝。名也孫鐵木耳。世祖忽必烈曾孫。於英宗被鐵失弑後嗣立。起甲子至戊辰。凡二改元。泰定四致和一。共五年。次明宗名和世琜。武宗海山長子。初封周王。立僅八月卒。次文宗名圖帖睦爾。海山次子。泰定殂時。燕帖木兒迎入大都襲位。聞周王已稱帝和寧之北。因屢次奉迎。行次旺忽察都暴卒。圖帖睦爾仍復位。起戊辰至壬申。凡二改元。天歷三至順四。實五年。次順宗名妥歡帖睦爾。明宗和世琜長子。文宗不豫。遺命以和世琜次子寧宗懿璘質班嗣位。僅月餘卒。妥歡帖睦爾由是得立。迨明師克大都時夜遁。死於應昌元亡。起癸酉至戊申。凡三改元。元統三至元六至止二十八。實三十六年。次明

太祖姓朱氏名元璋。江南句容人。元末起兵北伐。以次削平羣雄定都金陵。尋由吳王即帝位。國號大明。起戊申至來週戊寅。改元洪武。凡三十一年。愚案人有恒言。泗上一亭長淮右一布衣。謂漢明二祖能破古來貴族帝王威例。由平民一躍而爲天子也。夫天下爲天下人之天下。彼由貴族個人政治。變而爲平民個人政治。其相去特一間耳。唯然。而現今世界人類趨真之全民政治。視明代及明代前後之君主政治爲何如哉。

附案蒙古奇渥溫氏。自也速該子鐵木真以降。世爲中國北鄙之患。至忽必烈以宋理宗景定初元嗣立。初號中統。景定五年改年至元。並定都北燕。闕八載始建國號爲元。又越十年乃蓋中國。起庚辰盡順帝妥歡帖陸爾至正戊申。共八主八十九年。其世系與年紀。仍於各週考正甲子項下詳載。以備稽覽。用示別於五代。並寓五族平等之意耳。又考當時竊據諸國。於元末明初歷史。均有極大關係。茲順次分揭於下。一宋韓林兒。係潁州劉福孫等所擁立。以元至正辛卯。起兵陷潁州。



。號紅巾兵。越五年乙未稱帝瑯州。年號龍鳳。歷十有二年丙午降明。二天完徐壽輝。於元至正辛卯稱帝蘄水。年號治平。未幾移都江州。越十年庚子。被其將陳友諒所弒。三吳張士誠。以元至正十三年癸巳據高郵稱王。擅號大周。年號天祐。尋據平江。丁未明師攻克其城。士誠自縊。其妻劉氏亦率羣妾登樓縱火自焚死。四漢陳友諒。初事天完徐壽輝。已而弒於采石。即以其地五通廟爲行殿稱帝。尋還據江州。國號漢。年號大義。盡有江西湖廣地。至至正二十三年癸卯。與明戰敗中流矢死。子理立於武昌。改年德壽。明年再敗遂降。五蜀明玉珍。亦天完將。元至正丁酉據成都。閱數載聞壽輝被弒。乃自立爲隴蜀王。並立壽輝廟歲時致祀。癸卯在重慶稱帝。國號夏。年號天統。歷四年卒。子昇立改年開熙。明祖洪武四年。湯和討平之。六閩方國珍。於至正八年因犯殺人罪與兄國璋率其弟國瑛國珉等亡走入海。聚衆爲寇。陷台州太倉。並侵入附近諸郡。至正季年降明。綜上諸國。獨宋王韓林兒於明興有先驅之功。史官取以與滁陽王郭子興並冠明

史列傳之首。殆略師蜀志首二牧之意歟。

黃紀第六十四甲子 起明太祖洪武十七年盡英宗正統八年

本週歷明太祖惠帝成祖賢仁宣英三宗。

考正本週紀年。首明太祖。年數見前。次惠帝名允炆太子標子。標薨以太孫嗣位，及金川之變。不得已出亡。起己卯至壬午。改元建文。凡四年。次成祖名棣。太祖第四子。初封於燕。後起靖難軍逼走惠帝自立。徙都燕京。起癸未至甲辰。改元永樂。凡二十二年。次仁宗名高熾。成祖長子。起乙巳。改元洪熙僅一年。次宣宗名瞻基。仁宗長子。起丙午至乙卯。改元宣德。凡十年。次英宗名祁鎮。宣宗長子。當土木師潰。也先以帝北去。於時帝弟監國。郕王襲位。逾年帝還居於南宮。又七年復辟。起丙辰至來週己巳又起復辟丁丑至甲申。凡二改元。正統十四。復辟後天順八。合二十二年。

愚案明祖以黃帝紀元三千七百五十二年乙未起義。續通鑑綱目即於是年以亡國之

例書元。審是則元八十九年中又當減去十三年矣。

又案本週靖難一役。實明祖當斷不斷階之厲耳。當太子標卒時。明祖語羣臣曰。國有長君社稷之福。比以燕王類己。欲立爲嗣。因學士劉三吾進以皇孫年長世嫡之子。子歿孫承嫡統禮也等語而止。查皇統繼承。殷以前並無此項偏重嫡長制度。即孫承嫡統。其說亦不見禮經。乃明祖當日偏聽腐說。輕授神器。卒釀骨肉相殘。忠鯀赤族慘禍。至忍絕讀書種子。亦可悲矣。今雖國體變更。無復前此狹義效忠行誼。而在曩日則賴以維人世綱常。慎勿謂今昔殊時。即可抹殺往代忠節事實也。

黃紀第六十五甲子 起明英宗正統九年盡孝宗弘治十六年

本週歷英宗景帝暨憲孝二宗。

考正本週紀年。首英宗及其復辟之年數見前，次景帝名祈鈺。宣宗子。英宗弟。初以監國襲位。及英宗復辟，仍廢爲郕王。起庚午至丙子。改元景泰。凡七年。

次憲宗名見深。英宗長子。起天順復辟後乙酉至丁未。改元成化。凡二十三年。

次孝宗名祐樞。憲宗長子。起戊申至來週乙丑。改元弘治。凡十八年。

愚案。皇帝貪位戀權。不思迎還乃兄。與宋高宗貪位忘親。其罪正復相等。然亦可見帝位之實生厲階耳。今貪人柄政。欲爲迭克推多者衆矣。嗚乎。彼美之華盛頓。獨何人哉。

黃紀第六十六甲子 起明孝宗弘治十七年盡世宗嘉靖四十二年  
本週歷孝武世三宗。

考正本週紀年。首孝宗。年數見前。次武宗名厚照。孝宗長子。起丙寅至辛巳。改元正德。凡十六年。次世宗名厚熹。獻王子憲宗孫。壬午嗣立。至來週丙寅。改元嘉靖。凡四十五年。

愚案。有明中葉之內憂外患極矣。前週土木之變。實起自奸璫。本週宸濠之征。幾敗於羣小。此易所以致做於開國承家勿用小人。而合女子小人爲一之刑豎。則尤

當屏絕也。今者專制革除。此輩已隨之消滅。斯真國家幸事。然亦人道之所宜然耳。

黃紀第六十七甲子起明世宗嘉靖四十三年盡熹宗天啓三年

本週歷世穆神光熹五宗。

考正本週紀年。首世宗。年數見前。次穆宗名載垕。世宗子。起丁卯至壬申。改元隆慶。凡六年次神宗名翊鈞。穆宗子。起癸酉至庚申。改元萬曆。凡四十八年。次光宗名常洛。神宗子。庚申立僅一月。改元泰昌作爲一年。次熹宗名由校。光宗子。起辛酉至來週丁卯。改元天啓。凡七年。

愚案本週神宗萬曆十年。即西紀一千五百八十二年羅馬法王格勒格力十三世於本年改正優留士凱撤一作儒略之曆法。四百年廢闕三日。並減殺差數。改是年十月五日爲十五日以符凱曆行後歲實日數。即現今各國通行之標準新陽曆也。惟俄希曆久未採用。至于九百二十一年。俄列寧將俄舊太陽曆移前十三日。我國與日

本亦先後採用。始與歐美通行曆同。

附案滿洲太祖愛親覺羅奴兒哈赤於本週明神宗萬曆十一年起兵克圖倫城。越四年明帝授以龍虎將軍印。奴兒哈赤先代係東韃靼建州生女直部人。與金完顏氏同族。故於萬曆四十四年稱帝滿洲。國號即名後金。年號天命。至毅宗崇禎九年丙子。後金太宗皇太極始建國號曰清。並改天聰十年爲崇德元年。即其後世亦自承系出金源云。

黃紀第六十八甲子 起明熹宗大啓四年盡滿清聖祖康熙二十二年

本週歷熹毅二宗及福唐永明三王。至同週末則有滿清聖祖。其先君已入都北京

考正本週紀年。首熹宗。年數見前。次毅宗名由檢。光宗子熹宗弟起戊辰至甲申三月。李自成犯闕時殉社稷。改元崇禎。凡十七年。次福王名由崧。福王常洵子神宗孫。毅宗殉國後。由南京各部科道等推戴爲帝。起乙酉。改元宏光僅一年。次唐王名聿鍵。太祖子唐王經八世孫。起乙酉閏六月至丙戌。改元隆武。凡二年

。次永明王名由榔。亦神宗孫。起丁亥至辛丑年終。吳逆三桂迫令緬酋執帝送於軍前。明年被弑明全亡。改元永曆。凡十六年。次滿清聖祖名玄暉。係世祖愛親覺羅福臨即順治帝次子。起壬寅至來週壬寅。改元康熙。凡六十一年。

愚案本週甲申有明毅宗殉國。弘光嗣統南京。後歷隆武永曆兩帝。猶保有南疆一帶土宇。視南宋景炎祥興播越海濱迥不侔矣。曩觀日韓史家所著明史。類皆止於永曆崩年。而日人後藤世鈞之元明史略。更推至臺灣賜姓奉永曆正朔者之。亡又韓人鄭喬稱其宣宗勅語有該國一草一木。無非神宗皇帝所賜。暨所謂林泉章甫之流。覽萬曆永曆之舊曆而涕泣婦孺童稚之愚。得崇禎弘光之通寶而珍愛云云。母亦公道失而仍在野耶。惟現值五族共和。不取種族偏見。故本編書前明甲子。始洪武戊申。終永曆辛丑。通計二百九十四年。蓋猶前史不沒景炎祥興與清黃太史壽宸編定皇朝大事紀年於康熙壬寅始書明全亡之微意也。附案本週僭號極夥。而以李自成張獻忠及降清之孫可望吳三桂世璠與耿精忠等爲最著。李號永昌。張號

義武大順。孫號興朝。三桂世璠號昭武利用及洪化。精忠號裕民。迄今猶有此輩所鑄通寶錢行世。又聞崇禎帝當日曾另鑄崇禎通寶三品。一陰面上有馬形。一陰面下有馬形。一兩面俱作馬形。或謂李賊自成自號闖將。此錢孔似門下有馬形。即闖賊陷京之識。其然豈其然乎。

黃紀第六十九甲子 起清聖祖康熙二十三年盡高宗乾隆八年

本週自清聖祖至世高二宗。

考正本週紀年。首清聖祖。年數見前。次世宗名胤禛。聖祖玄曄第四子。起癸卯至乙卯。改元雍正。凡十三年。次高宗名弘曆。世宗胤禛第四子。起丙辰至來週乙卯。改元乾隆。凡六十年。

愚案英國經濟學家馬爾塞斯人口論。謂人口資生速率。每二十五年增加二倍。若任其自然。其趨勢有如幾何級數之倍加。即二而四而八而十六等數。同時食品生產之速率。又如算術級數之遞加。即二而四而六而八而十等數云云。使



無救濟良法。則國家真有人滿之虞矣。而起視吾國歷來人口增進率。又適與此說相反。如自夏迄周人口。大率一千三百餘萬。後此最多亦僅五千九百餘萬。至明始達六千三百餘萬。皆其實證。惟查本週滿清乾隆六年調查人口數目。忽增至一萬四千三百餘萬較前數千年頓加三倍。迨至末年竟增至三萬萬。較初年亦加一倍。今尙增進不已。豈古今人口增減。果成此反比耶。竊嘗稽之文獻通考略稱漢孝平時人口五千九百餘萬。光武中興後。三十餘年所撫養。至末年戶數。僅及孝平時四分之一。此雖因戰禍所致。其實戰禍及水旱偏災與札瘥天昏等事。何代無之。然歷代人口進度率。竟遠遜於乾隆年間者。以匿丁避賦與調查不實也。邇來全國人口數目。估計相差極多。頃閱新青年雜誌所載清季調查中國本部人口最高數目爲五億零五百七十餘萬。合之滿蒙新疆西藏共數得五億四千四百七十餘萬其最低數則本部滿蒙新疆西藏爲二億八千九百五十餘萬。審是則古今人口增減比較可觀矣。况復賦斂無藝民不聊生。康熙年間雖詔自後所生人丁永不加賦。而後世於

丁漕外復科以併征帶征。此外巧立名目。竭澤而漁之稅政。尤不勝枚舉。則民已救死不贖。而謂其資生率反能超過前代。並超過版圖極大之蒙元數倍乎。嗚乎。法蘭西革命而有人權宣言。南北美戰爭結果即實行解放奴隸。吾國當局。其亦知注重民生以固邦本乎。

黃紀第七甲子。起清高宗乾隆九年。盡仁宗嘉慶八年。

本週歷高仁二宗。

考正本週紀年。首清高宗年數見前。次仁宗名顯琰。高宗弘曆第十五子。丙辰因內禪立。至來週庚辰。改元嘉慶。凡二十五年。

愚案本週起黃帝紀元四千一百四十一年。後閏十年甲戌。即清乾隆十九年。是年改正時憲書內著參二宿經天前後次序。與恒星經緯度表極合。此舉與康熙時改定測天儀器爲周天三百六十度無餘。皆極有功於天文星象學也。

附案滿清自世祖入關。奄有海宇。首下薙髮嚴令。變易皇漢衣冠。其餘政策多沿

明制。視行同盜賊。辜浮始皇之蒙元世祖相去霄壤矣。本週高宗復平定金川及準回等部。先後拓地萬里。其時東跨庫貝西接帕米爾北越黑龍南踰金沙。咸歸版圖。即朝鮮琉球安南暹羅緬甸等國。亦併爲藩服。可稱遜清極盛時期。迨光緒季年。愚於日京上野圖書館。猶及見琉球所遵印之乾隆二十七年壬午時憲書。其書首頁上列義卦圖。下注琉球國司憲書官謹奉教令印造選日通書權行國中。俟天朝頒賜憲書到後。再飭通國一體懷遵。其恭順已可想見。推之朝鮮以次。當有同樣賜本。是年閏五月兩立春。凡三百八十四日。

黃紀第七十一甲子 起清嘉慶九年盡同治二年

本週歷仁宣文穆諸宗。而宣文之交。粵人洪秀全起兵金田。迭克名城。遂建太平天國。號稱天王定都金陵。

考正本週紀年。首清仁宗。年數見前。次宣宗名旻寧。仁宗顯發次子。起辛巳至庚戌。改元道光。凡三十年。次文宗名弈訢。宣宗旻寧第四子。起辛亥至辛酉改

元咸豐。凡十一年。次穆宗名載淳。文宗奔許良子。即壬戌至來圍尹戈。丙密茲。慈禧兩宮同垂簾聽政。改元同治凡十三年。

愚案太平天國建國紀元。在黃紀四千二百四十八年。即遜清咸豐元年。是時滿政不綱。外人且默認太平軍爲交戰團體。但使洪氏當日能內安反側。外聯友邦而屏除左道。施行仁義。以圖中原。則大河以北可傳檄而定也。奈何沈沈府第。畫地自封。殆亦夥頤王之流亞歟。

又案吾國與世界歷史。什九皆戰史也。據歐西歷史家言前清二百餘年間。如創業時之激戰。三藩之平定。擴大外藩之示威。回教徒之騷擾。迄本週太平軍之革命與夫鴉片起釁。英法聯軍。暨來週對法對日各大戰役。均極殘民以逞之慘禍。即反觀歐洲。自西歷紀元前一四九六年至紀元一八六一年中僅二百二十七年無戰事。又自一八六一年以後。如南北戰爭。普法戰爭。日俄戰爭。英特戰爭以及歐洲大戰爭。凡二十餘起。莫不殺人如麻。流血成川。統計世界戰爭與和平之年爲十

三與一之比。嗚乎天道好生。佳兵不祥。世界大同。河清難俟。彼好戰嗜殺不知以服務律代競爭律者獨非人心乎

黃紀第七十二甲子 起清穆宗同治。三年盡民國十二年

本週什八歷清穆德二宗詒宣統三年清亡。是年領導革命最久之革命導師孫文及各省元勳志士等。先後倡義光復神州創立大中華民國。公舉孫文爲臨時大總統施行共和政治。改用陽曆以民國元年元且即辛亥十一月十三日就任。並舉首義鄂督黎元洪爲副總統。定都江寧。未幾南北媾和。合中國在昔同源各族爲一大民族。同時臨時參議院准孫文辭大總統職。即舉袁世凱繼任。以後歷任均都北平。

考正本週紀年。首清穆宗。年數見前。次德宗名載湉。穆宗載淳從弟。童年嗣立。由西太后慈禧長期垂簾聽政。起乙亥至戊申。改元光緒。凡三十四年。次末帝名溥儀。德宗載湉從子。立時年僅三歲。其生父淳王載灃攝政。起己酉至辛亥八月革命清亡。改元宣統。凡三年。當辛亥鄂省首義時。各省亦被孫公革命主義感

動。所在響應。遂建民主國家。以大中華民國紀元。自元年壬子至本週癸亥。歷經大總統孫文及袁世凱黎元洪馮國璋徐世昌曹錕相繼柄政。不幸籌安復辟。南北播弄民國不絕如縷。惟望羣衆今後勿分畛域努力建設。定卜民國億萬萬年。

愚案大中華民國開國紀元之歲。時值下元甲子後期。他書作黃紀四千六百零十年非是。就中詳細理由。前已備陳。至論滿清享祚年數。依前史元起世祖庚辰例。則應起自聖祖壬寅而算至宣統辛亥清亡。共九主二百五十年。或謂仍應加入世祖年紀。則何以解於宋史之存景炎祥興也。又查本週初載甲子。洪王殉國秣陵。近歲復值甲子。曹氏囚居延慶。豈甲子之不利乎。抑時命之不齊乎。不知興亡在人。於歲無關。古云周以甲子興殷以甲子亡。況今主權在民。其興亡關係又非昔比也。嗚乎。我國人其鑒於茲。

又案本編歷敘周甲。止於本週。此後民國億萬斯年。當有續纂者。茲更於編終總揭上述要旨數則。一以誌人羣進化之徵象。一以見民族同化之事實。而其要歸則

在昭示吾國經過最長期史載年經事緯所孕各項文明。且冀國人各本愛國熱忱勿數典忘祖云爾。抑又聞之德哲學家愛猛埒濟氏曾言人羣發達有五種相。一智力二產業三美術四宗教五政治。凡作史讀史。於此五端均不可忽。本編主旨雖專重考正甲子並以案語逐類旁證。然於愛氏五種相說亦間及之。

中西世紀簡表

中元一稱中紀起自黃帝即位紀元元年  
西元或作公元起於耶穌降生紀元元年

甲子	癸卯	甲辰	癸未	甲申	癸亥
<p>中一世紀中華民族係合漢滿蒙回藏各族爲一大民族於清季光復時建立中華民國此各族在晉同源初祖卽世界建國最古之民族首長黃帝或謂苗裔皆其後爾時甲子肇造文明胚胎卽與西世紀並建之中世紀亦由此起始謹按本世紀卽第一世紀起自黃帝開國卽位紀元元年算至百年實卽耶穌降生之西紀前三三九七至二二九八年</p>	<p>中二世紀從黃帝陟後甲辰一年開始此後世紀由比永闕推算本世紀起自本年算至帝嚳癸未二十年卽西紀前二二九七至二一九八年</p>	<p>中三世紀起自帝嚳甲申二十一年歷帝堯始建國號有唐卽位丙子紀元算至癸亥四十八年卽西紀前二一九七至二〇九八年</p>			



中西世紀簡表

<p>甲子 癸卯</p>	<p>中四世紀起自唐帝堯甲子四十九年爾後揖讓傳賢於斯爲盛算至隋帝舜癸卯四十五年卽西紀前二〇九七至一九九八年</p>
<p>甲辰 癸未</p>	<p>中五世紀起自隋帝舜甲辰四十六年歷夏帝大禹禪國傳子算至數傳帝相失國後癸未十八年卽西紀前一九九七至一八九八年</p>
<p>甲申 癸亥</p>	<p>中六世紀起自夏帝相失國後甲辰十九年經帝少康丙午復國算至帝芬癸亥三十六年卽西紀前一八九七至一七九八年</p>
<p>甲子 癸卯</p>	<p>中七世紀起自夏帝芬甲子三十七年算至帝不降癸卯五年卽西紀前一七九七至一六九八年</p>

甲辰	癸未	甲申	癸亥	甲子	癸卯	甲辰	癸未
中八世紀起自夏帝不降甲辰六年算至帝昊崩後癸未一年即西紀前一六九七至一五九八年		中九世紀起自夏帝昊崩後甲申二年迄帝癸即桀嗣位後夏亡歷殷商肇國祖成湯受命即位改正算至帝小甲癸亥七年即西紀前一五九七至一四九八年		中十世紀起自商帝小甲甲子八年算至帝仲丁癸卯三年即西紀前一四九七至一三九八年		中十一世紀起自商仲帝丁甲辰四年算至帝盤庚癸未十八年即西紀前一三九七至一二九八年	

癸亥	甲申	癸未	甲辰	癸卯	甲子	癸亥	甲申
中十五世紀起自周康王釗甲申十一年算至共王懿厲癸亥十年即西紀前九九七至八九八年		中十四世紀起自商帝受甲辰六年消庚寅商亡周武王受命算至康王釗癸未十年即西紀前一〇九七至九九八年		中十三世紀起自商帝祖甲甲子八年算至帝受通稱商紂癸卯五年即西紀前一一九七至一〇九八年		中十二世紀起自商帝盤庚甲申十九年算至帝祖甲癸亥七年即西紀前一二九七至一一九八年	

<p>甲 子 癸 卯</p>	<p>中十六世紀起自周共王懿厲甲子十一年歷共和行政算至宣王靖癸卯三十年即西紀前八九七至七九八年</p>
<p>甲 辰 癸 未</p>	<p>中十七世紀起自周宣王靖甲辰三十一年歷幽王涅被弒平王宣白中興東遷入春秋時代算至桓王林癸未二十二年即西紀前七九七至六九八年</p>
<p>甲 申 癸 亥</p>	<p>中十八世紀起自周桓王林甲申二十三年算至定王瑜癸亥九年即西紀前六九七至五九八年</p>
<p>甲 子 癸 卯</p>	<p>中十九世紀起自周定王瑜甲子十年歷靈王泄心踐阼天爲衰周篤生秦王闢明道統象治來算至敬王勾癸卯二十二年即西紀前五九七至四九八年</p>

<p>甲辰 癸未</p>	<p>中二十世紀起自周敬王句甲辰二十三年歷威烈王午未葉人戰國時代算至安王驕癸未四年即西紀前四九七至三九八年</p>
<p>甲申 癸亥</p>	<p>中二十一世紀起自周安王驕甲申五年算至赧王延癸亥十七年即西紀前二九九至二九八年</p>
<p>甲子 癸卯</p>	<p>中二十二世紀起自周赧王延甲子十八年歷周亡秦繼旋亡算至漢高祖劉邦受命後癸卯九年即西紀前二九七至一九八年</p>
<p>甲辰 癸未</p>	<p>中二十三世紀起自漢祖劉邦甲辰十年歷呂后雉稱制及武帝徵創立年號首揭建元算至天漢癸未三年即西紀前一九七至九八年</p>

甲 申 癸 亥	甲 子 癸 卯	甲 辰 癸 未	甲 申 癸 亥
<p>中二十四世紀起自漢武帝徵天漢甲申四年算至平帝衍元始癸亥三年即西紀前九七至入西紀後三年是時基督教主耶穌降生後世信教各國均奉其生年紀元是名西元每逾百年別稱世紀其明年即西元第一世紀之四年</p>	<p>中二十五世紀起自漢平帝衍元始甲子四年歷新莽篡竊東漢光武帝秀中興算至和帝肇永元癸卯十五年即西一二世紀四至百。三年亦即西紀年數一世紀四至百及二世紀三年合共百年</p>	<p>中二十六世紀起自東漢和帝肇永元甲辰十六年算至獻帝協建安癸未八年即西二三世紀百〇四至二〇三年</p>	<p>中二十七世紀起自東漢獻帝協建安甲申九年歷後漢即蜀漢昭烈帝備分鼎晉武帝司馬炎受禪算至惠帝衷太安癸亥二年即西三四世紀二〇四至三〇三年</p>

<p>甲子 癸卯</p>	<p>甲辰 癸未</p>	<p>甲申 癸亥</p>	<p>甲子 癸卯</p>
<p>中二十八世紀起自晉惠帝衷永興甲子元年歷東晉元帝晉中興算至安帝德宗元興癸卯二年即西四五世紀三〇四至四〇三年</p>	<p>中二十九世紀起自東晉安帝德宗元興甲辰三年歷南朝宋武帝劉裕高帝蕭道成迭算至梁武帝蕭衍天監癸未二年即西五六世紀四〇四至五〇三年</p>	<p>中三十世紀起自南朝梁武帝蕭衍天監甲申三年歷陳武帝陳霸先受禪算至統一南北之隋文帝楊堅仁壽癸亥三年即西六七世紀五〇四至六〇三年</p>	<p>中三十一世紀起自隋文帝楊堅仁壽甲子四年未幾煬帝廣祿亂篡暴賴唐高祖李淵起義除暴迄太宗世民貞觀時可稱至治不幸武曌柄政天下又亂算至中宗顯嗣聖癸卯二十年即西七八世紀六〇四至七〇三年</p>

甲辰	癸未	甲申	癸亥	甲子	癸卯	甲辰	癸未
中三十二世紀起自唐中宗顯嗣聖甲辰二十一年算至德宗道貞元癸未十九年即西八九世紀七〇四至八〇三年		中三十三世紀起自唐德宗道貞元甲申二十年算至昭宗曄天復癸亥三年即西九十世紀八〇四至九〇三年		中三十四世紀起自唐昭宗曄天祐甲子元年迄唐亡經後梁唐晉漢周五代紛擾與宋太祖趙匡胤受命重文釋兵算至真宗咸平癸卯六年即西十及十一世紀九〇四至一〇〇三年		中三十五世紀起自宋真宗咸平癸卯年算至徽宗信崇寧癸未二年即西十一二世紀一〇〇四至一〇一〇三年	



<p>甲申 癸亥</p>	<p>中三十六世紀起自宋徽宗崇寧甲申二年歷南宋高宗構囚金寇深入被迫南渡算至寧宗擴嘉泰癸亥三年即西十二世紀一一〇四至一二〇三年</p>
<p>甲子 癸卯</p>	<p>中三十七世紀起自宋寧宗擴嘉泰甲子四年此後理學忠義名賢接軌迄帝昺崖山殉國歷元世祖蒙古奇渥溫忽必烈從沙漠起人都燕京算至成宗鐵木耳大德癸卯七年即西十三世紀一二〇四至一三〇三年</p>
<p>甲辰 癸未</p>	<p>中三十八世紀起自元成宗鐵木耳大德甲辰八年歷元亡明太祖朱元璋光復受命算至成祖永樂癸未元年即西紀十四世紀一三〇四至一四〇三年</p>
<p>甲申 癸亥</p>	<p>中三十九世紀起自明成祖永樂甲申二年算至孝宗禎德弘治癸亥十六年即西十五世紀一四〇四至一五〇三年</p>

<p>甲子 癸卯</p>	<p>中四十一世紀起自明孝宗祐樞弘治甲子十七年算至神宗翊鈞萬曆癸卯三十一年即西十六七世紀一五〇四至一六〇三年</p>
<p>甲辰 癸未</p>	<p>中四十一世紀起自明神宗翊鈞萬曆甲辰三十二年歷毅宗由檢永曆帝由柳殉國滿清世祖愛親覺羅福臨定鼎燕京算至聖祖玄燾康熙癸未四十二年即西十七八世紀一六〇四年至一七〇三年</p>
<p>甲申 癸亥</p>	<p>中四十二世紀起自清聖祖玄燾康熙甲申四十二年算至仁宗顯琰嘉慶癸亥八年即西十八九世紀一七〇四至一八〇三年</p>
<p>甲子 癸卯</p>	<p>中四十三世紀起自清仁宗顯琰嘉慶甲子九年歷宣宗旻寧道光末太平天國洪天王秀全起義兩十餘稔旋亡算至德宗載灃光緒癸卯二十九年即西十九二十世紀一八〇四至一九〇三年</p>

中西世紀簡表

## 跋

往余著中華民國前曆甲子考正後增一甲始易今名當起草時或謂余曰方今民國甲子紀元已逾十稔而子必上溯數千年前甲子母乃生今反古而好爲是不憚煩乎余曰否不然吾國自帝軒用甲子表歲首年以還迄今不廢此實史學中歷久不斷之江河萬古流也竊嘗考覽禹貢導江自岷山而其源當遠溯翠石導河至龍門而其源當上尋金河居今日而抹煞前史復自詡爲文獻足徵是猶航斷港絕潢而蕪至於海或欲從空張帆鼓棹以求出渤海太平洋得乎況現今世界各強盛國類皆注重古物廣事搜求甚或餽飭疑年飾爲信史試觀東西史籍恒自侈陳其國紀元千百餘年或數千年而我國淺者乃自縮短其歷紀即無異毀滅國光而自斲喪其文明盛國誤民愚妄孰甚惟本國向無確實有統系之長曆則借用他國紀元符號亦屬無可如何不佞有鑒及此爰撰是編籍供史界行遠登高之一助不審覽者以爲有合於掣石金河否也猶憶前歲省工校余校長竺如閱本編稱爲有中國不可無此書去夏省

政府楊委員兼代主席明冰閱本編評爲考證精覈必傳之作又同學熊君錫晉劉君世長先後閱本編一謂此書包羅萬象當永久行世一謂是書有創制精神信能於涑水通鑑外另樹一幟並屢慫恿梓行彌用慙悚祇以當時原修正稿畧他項拙著存高升巷法校燬於亂兵而前寓屋壁中幸存之初稿又以承乏江西省法校事繁未克校印茲當國民革命軍完成北伐後第一雙十佳節並值宣聖紀念誕辰而余書適於此時完全告成因附此數語以誌慶幸云光復紀元第一戊辰歲仲秋月癸未即新曆國慶日江州九疊山人跋於省寓九疊山莊假樂園之無羨窩

## 新跋

家君訂正羣史年曆將竣，小子趨而叩詢，以通鑑爲古今大賬簿，在今即可爲舊史總結，算何以於古代年曆不採通鑑前編所載年數，又不用現今標點符號，何故承論在古代共和以前各書年曆互異絕無確實，長曆視世界文明各國均有長曆，紀年藉炫有史以來悠久文化，未免數典忘祖，設吾國早有適當稽古用書，則余此書即可不作試觀東島，僅有千餘年歷史文化，而每自矜某君紀年二千數百餘年，其用意已可想見。至標點符號，原冀助普及教育，功用第用此項符號，殊難一致，雖一人標點，同樣書冊前後所點亦或未能一律，轉令閱者茫然，就中最易舛誤者，惟分號逗點終點，即當分不分，當逗不逗，應終不止，未止遽終是也。進觀此間圖書館所陳覽各報間，有不用標點，或僅用逗點終點，餘皆不用，又如某圖書社與某書局近年出版之東周列國志，一用新式標點，一僅用舊式圓點，而後者推銷較前更廣，可見閱者一般心理，即如本編考正古今幹枝，亦概作圓點書中，雖例不用標，而終涼王李暠之庚子至甲

辰與夏王寶建德之丁丑等號標之則自亂其例並不合標點常例不標又無以明其紀年此在稍有歷史常識者一見點句清楚便知曩者高氏則誠填詞不沾沾尋宮數調識者避之余實師其意耳小子聞斯二義極爲愉快去夏閱東晉演義最喜卷首抄增東晉與五胡十六國紀元嘗逐節翻閱時不能片刻去此觀此覺家君此書於讀史闕史及參閱各種書報實不可少家君又言西元五百餘年頃基督教徒始以教祖生年紀元厥後泰西各國漸次採用吾國起自民族初祖黃帝之中元長曆余費平生精力始能考定吾人必欲借用他元永遠不用民族初祖中元則已如欲用之則舍余所考定書外別無他法可以考定小子又詢往歲大兄會寄贈本書初稿一部於商務印書館旋接覆函極爲推崇並有乙部功臣名山事業等語擬懇迅予公之社會庶可爲史界啓矇承諭從緩又謂吾國現值空前外患時期應謀加緊團結以救危亡而余此書通篇注重此點似可補助宣傳第恐淺者言非急務毋寧暫行置之邇來前輩友好及青年學子每苦古代年曆凌亂又羨西元能表著長期文明頃見家君於本編後另附近著中西世紀簡表以資印證僉喜如披榛之得路探海之有燈也並促速付剞劂爲吾國

R 4385

有五千年歷史民族之常識要覽與中高以上學校之史料補充參考用書 小子以爲本編既注重國家至上民族至上之意義著筆則於維持世界和平及保衛國家民族之戰爭時期尤關緊要也日前趨庭復申前請家君終苦無資幸賴教育部司長同鄉陳逸民先生俯予先容並蒙部長吳興陳公特識極端稱獎評爲考正精詳洵屬治史要籍復賜楮墨費國幣四百元正用示獎勵家君異常感奮即以付梓特命附此申謝永志弗諼今日爲百花生日此書今後其將隨春之神而飛行宇內乎謹跋

中華民國二十九年春望日 男仁勛敬跋於白下龍村書室



01921

二十五史歷代甲子統紀考正 新跋

四